


松江府志




漢書門			
二	五	三	類
四	一	號	架

內閣文庫			
九	五	漢	
函	冊	書	
架	冊	號	類

三十九之四十一

內閣文庫			
番號	漢	2353	
冊數	24 ( 19 )		
函號	292	17	



松江府志卷之三十九

人物

人物之目有八曰名臣曰獨行曰文苑曰隱逸曰藝術

曰流寓曰列女曰仙釋以次列於左方

名臣



德之可名者曰名德功之可名者曰功名此名臣之所

以稱也自漢迄元稽諸史傳先明一代稽諸實錄史錄

所未載則取之前志至啟禎之際乃補述焉或曰昔人

謂祿之大者不可為不朽而實錄三品立傳何也曰名

者實之賓也其祿可懷也其名則可懼也君子覽之其



亦可瞿然而思也夫

漢人

陸康字季寧吳郡吳人也

時華亭屬吳郡

祖父續在獨行傳父褒

有志操連徵不至康少仕郡以義烈稱刺史臧旻舉為茂

才除高成令

高城縣屬渤海郡

縣在邊垂舊制令戶一人具弓弩

以備不虞不得行來

行來猶往來也

長吏新到輒發民繕修城郭

康至皆罷遣百姓大悅以恩信為治寇盜亦息州郡表上

其狀光和元年遷武陵太守轉守桂陽樂安二郡所在稱

之時靈帝欲鑄銅人而國用不足乃調民田畝歛十錢而

比水旱傷稼百姓貧苦康上疏諫

疏見後漢書

書奏內倖因此

譖康援引亡國以譬聖明大不敬檻車徵詣廷尉待御史

劉岱典考其事岱為表陳解釋免歸田里復徵拜議郎會

廬江賊黃穰等與江夏蠻連結十萬餘人攻沒四縣拜康

廬江太守康申明賞罰擊破穰等餘黨悉降帝嘉其功拜

康孫尚為郎中獻帝即位天下大亂康蒙險遣孝廉計吏

奉貢朝廷詔書策勞加忠義將軍秩中二千石時袁術屯

兵壽春部曲飢餓遣使求委輸兵甲康以其叛逆閉門不

通內修戰備將以禦之術大怒遣其將孫策攻康圍城數

重康固守吏士有先授休假者皆遁伏還赴暮夜緣城而

入受敵二年城陷月餘發病卒年七十宗族百餘人遭離

飢尼死者將半朝廷愍其守節拜子儁為郎中少子績仕  
吳為鬱林守博學善政見稱當時幼年曾謁袁術懷橘墮  
地者也有名稱後漢書本傳

雲間前志云雲間人物自東漢有聞焉陸康之祖績以  
獨行著績祖闕建武中為尚書令范史稱會稽吳人世  
為族姓邈而上之其先十一世祖烈為吳令卒豫章都  
尉葬于胥亭子孫遂為吳人此則機雲先世也推而下  
之玩玄孫慧曉仕齊終輔國將軍自玩至其孫萬載世  
為郎中皆有名行時人方之金張慧曉之子僚任僊並  
有美名時謂三陸慧曉兄子閑為揚州別駕四子厥絳  
完襄完生雲公中書黃門郎後有瓊瑗瑜琛皆闕之  
裔史各有傳皆稱吳人雖為陸氏子孫狀安知其悉居  
華亭邪按劉璉至吳聞張融與慧曉並宅其間有池命  
駕往酌則慧曉已居吳郡矣舊圖經嘉禾志所載人物  
止及冢墓之在茲邑者而顧野王陸禕乃闕不著今倣  
其舊而補所遺焉唐錢起考功送陸贄擢第還蘇州詩  
云鄉路歸何早雲間喜擅名又云華亭養仙羽計日再

飛鳴據華亭雲間等語則宣公之先疑亦有居華亭  
者然宣公生於天寶以後史傳稱嘉興人故不復載

按前志謂陸氏子孫非盡居華亭又不載宣公于策故  
其說如此然所引錢詩及後載魏了翁學記皆公為縣  
人之明證記稱虞魏顧陸通居吳郡而居華亭者尤著  
亦不謂其子孫盡為邑人也况元感葬在崑山顧謙卒  
於崑宅銘誌具存而皆棄不錄故續志補書而通志因  
之史謂陸烈葬胥亭子孫遂為吳人又謂陸康使從孫  
遜與子績將家還吳居于長谷學記所謂居華亭者蓋  
指康以下而言自此而上則有不可知矣前志叙自康  
始為得其實故今從之而餘仍通志

顧志

按唐以前華亭未爲縣故陸康等史傳皆稱吳人實則吳之華亭人也華亭是鄉吳郡是都邑鄉邑皆可居不  
得以陸慧曉宅在吳郡遂疑其非華亭人也且舊志旣  
載陸玩不應復疑其後人故從陳志並列卷中

三國吳

五人

陸績字公紀吳郡吳人也父康漢末爲廬江太守績年六  
歲於九江見袁術術出橘績懷三枚去拜辭墮地術謂曰  
陸郎作賓客而懷橘乎績跪答曰欲歸遺母術大奇之孫  
策在吳張昭張紘秦松爲上賓共論四海未泰須當用武  
治而平之績年少末坐遙大聲言曰昔管彛吾相齊桓公

九合諸侯一匡天下不用兵車孔子曰遠人不服則修文  
德以來之今論者不務道德懷取之術而惟尚武績雖童  
蒙竊所未安也昭等異焉績容貌雄壯博學多識星歷等  
數無不該覽虞翻舊齒名盛龐統荊州令士年亦差長皆  
與績友善孫權統事辟爲奏曹掾以直道見憚出爲鬱林  
太守加偏將軍給兵二千人績旣有躄疾又意在儒雅非  
其志也雖有軍事著述不廢作渾天圖注易釋玄皆傳於  
世豫自知亡日乃爲辭曰有漢志士吳郡陸績幼敦詩書  
長玩禮易受命南征遭疾遇厄遭命不幸嗚呼悲隔又曰  
從今已去六十年之外車同軌書同文恨不及見也年三

十二卒長子宏會稽南部都尉次子叡長水校尉  
陸遜字伯言吳郡吳人也本名議世江東大族遜少孤隨  
從祖廬江太守康在官袁術與康有隙將攻康康遣遜及  
親戚還吳遜年長於康子績數歲爲之綱紀門戶孫權爲  
將軍遜年二十一始仕幕府歷東西曹令史出爲海昌屯  
田都尉並領縣事縣連年亢旱遜開倉穀以振貧民勸督  
農桑百姓蒙賴時吳會稽丹楊多有伏匿遜陳便宜乞與  
募焉會稽山賊大帥潘臨舊爲所在毒害歷年不禽遜以  
手下召兵討治深險所向皆服部曲已有二千餘人鄱陽  
賊帥尤突作亂復往討之拜定威校尉軍屯利浦權以兄

策女配遜數訪世務遜建議曰方今英雄某時豺狼鬪望  
克敵寧亂非衆不濟而山寇舊惡依阻深地夫腹心未平  
難以圖遠可大部伍取其精銳權納其策以爲帳下右部  
督會丹陽賊帥費棧受曹公印綬扇動山越爲作內應權  
遣遜討棧棧支黨多而往兵少遜乃益施牙幢分布鼓角  
夜潛山谷間鼓譟而前應時破散遂部伍東三郡疆者爲  
兵羸者補戶得精卒數萬人宿惡盪除所過肅清還屯蕪  
湖會稽太守淳于式表遜在取民人愁擾所在遜後詣都  
言次稱式佳吏權曰式白君而君薦之何也遜對曰式意  
欲養民是以白遜若遜復毀式以亂聖聽不可長也權曰

此誠長者之事顧人不能爲耳呂蒙稱疾詣建業遜往見之謂曰關羽接境如何遠下後不當可憂也蒙曰誠如來言然我病篤遜曰羽矜其驍氣陵轍於人始有大功意驕志逸得務北進未嫌於我有相聞病必益無備今出其不意自可禽制下見至尊宜好爲計蒙曰羽素勇猛旣難爲敵且已據荊州恩信大行兼始有功膽勢益盛未易圖也蒙至都權問誰可代卿者蒙對曰陸遜意思深長才堪負重觀其規慮終可大任而未有遠名非羽所忌無復是過若用之當令外自韜隱內察形便然後可克權乃召遜拜偏將軍右部督代蒙遜至陸口書與羽

書見三國志中羽覽遜書

有謙下自託之意意大安無復所嫌遜具啓形狀陳其可禽之要權乃潛軍而上使遜與呂蒙爲前部至卽克公安南郡遜徑進領宜都太守拜撫邊將軍封華亭侯備宜都太守樊友委郡走諸城長吏及蠻彝君長皆降遜請金銀銅印以假授初附是歲建安二十四年十一月也遜遣將軍李異謝旌等將三千人攻蜀將詹晏陳鳳異將水軍旌將步兵斷絕險要卽破晏等生降得鳳又攻房陵太守鄧輔南鄉太守郭睦大破之秭歸大姓方布鄧凱等合彝兵數千人首尾西方遜復部旌討破布凱脫走蜀以爲將遜令人誘之布帥衆還降前後所獲招納凡數萬計權

以遜爲右護軍鎮西將軍進封婁侯時荊州士人新還仕  
進或未得所遜上疏曰昔漢高受命招延英異光武中興  
羣俊畢至苟可以熙隆道教者未必遠近今荊州始定人  
物未達臣愚悽悽乞普加覆載抽拔之恩令並獲自進然  
後四海延頸思歸大化權敬納其言黃武元年劉備率大  
衆來向西界權命遜爲大都督假節督朱然潘璋宋謙韓  
當徐盛鮮于丹孫桓等五萬人拒之備從巫峽建平連圍  
至彝陵界立數十屯以金錦爵賞誘動諸彝使將軍馮羽  
爲大都督張南爲前部輔匡趙融廖淳傅彤等各爲別督  
先遣吳班將數千人於平地立營欲以挑戰諸將皆欲擊

之遜曰此必有譎且觀之備知其計不可乃引伏兵八千  
從谷中出遜曰所以不聽諸君擊班者揣之必有巧故也  
遜上疏曰彝陵要害國之關限雖爲易得亦復易失失之  
非徒損一郡之地荊州可憂今日爭之當令必諧備于天  
常不守窟穴而敢自送臣雖不材憑奉威靈以順討逆破  
壞在近尋備前後行軍多敗少成推此論之不足爲戚臣  
初嫌之水陸俱進今反舍船就步處處結營察其布置必  
無他變伏願至尊高枕不以爲念也諸將並曰攻備當在  
初今乃令入五六百里相銜持經七八月其諸要害皆以  
固守擊之必無利矣遜曰備是猾魯更嘗事多其軍始集



思慮精專未可干也今任已久不得我便兵疲意沮計不復生掎角此寇正在今日乃先攻一營不利諸將皆曰空殺兵耳遜曰我已曉破之之術乃勅各持一把茅以火攻拔之一爾勢成通率諸軍同時俱攻斬張南馮習及胡王沙摩柯等首破其四十餘營備將杜路劉寧等窮逼請降備升馬鞍山陳兵自繞遜督促諸軍四面蹙之士崩瓦解死者萬數備因夜遁驛人自擔燒鏡鎧斷後僅得入白帝城其舟船器械水步軍資一時略盡尸骸漂流塞江而下備大慙恚曰吾乃爲遜所折辱豈非天耶初孫桓別討備前鋒於夷道爲備所圍求救於遜遜曰未可諸將曰孫安

東公族見圍已困柰何不救遜曰安東得士衆心城牢足無可憂也待吾計展欲不救安東安東自解及才略大施備果奔潰桓後見遜曰前實怨不見救定至今日乃知調度自有方耳當禦備時諸將軍或是孫策舊將或公室貴戚各自矜恃不相聽從遜案劔曰劉備天下知名曹操所憚今在境界此強對也諸軍並荷國恩當相輯睦共翦此虜上報所受而不相順非所謂也僕雖書生受命主上國家所以屈諸君使相承望者以僕有尺寸可稱能忍辱負重故也各任其事豈復得辭軍令有常不可犯矣及至破備計多出遜諸將乃服權聞之曰君何以初不啓諸將

違節度者邪遜對曰受恩深重任過其才又此諸將或任腹心或堪爪牙或是功臣皆國家所當與共克定大事者臣雖駑懦竊慕相如寇恂相下之義以濟國事權大笑稱善加拜遜輔國將軍領荊州牧卽改封江陵侯又備旣在白帝徐盛潘璋宋謙等各競表言備必可禽乞復攻之權以問遜遜與朱然駱統以爲曹丕大合士衆外託助國討備內實有姦心謹決計輒還無幾魏軍果出三方受敵也備尋病亡子禪襲位諸葛亮秉政與權連和時事所宜權輒令遜語亮刻權印以置遜所權每與禪亮書常過示遜輕重可否有所不安便令改定以印封行之七年權使鄱

陽太守孫魴譎魏大司馬曹休休果舉衆入皖乃召遜假黃鉞爲大都督逆休休旣覺知耻見欺誘自恃兵馬精多遂交戰遜自爲中部令朱桓全琮爲左右翼三道俱進果衝休伏兵因驅走之追亡逐北徑至夾石斬獲萬餘牛馬驢騾車乘萬兩軍資器械略盡休還疽發背死諸軍振旅過武昌權令左右以御蓋覆遜出入殿門凡所賜遜皆御物上珍於時莫與爲比遣還西陵黃龍元年拜上大將軍右都護是歲權東巡建業留太子皇子及尚書九官徵遜輔太子並掌荊州及豫章三郡事董督軍國時建昌侯慮於堂前作鬪鴨欄頗施小巧遜正色曰君侯宜勤覽經典

以自新益用此何爲慮卽時毀徹之射聲校尉松於公子  
中最親戲兵不整遜對之髡其職吏南陽謝景善劉廙之  
先刑後禮之論遜呵景曰禮之長於刑久矣廙以細辯而  
詭先聖之教皆非也君今侍東宮宜遵仁義以彰德音若  
彼之談不須講也遜雖身在外乃心於國上疏陳時事  
三國志中權欲遣偏師取彝州及朱崖皆以諮遜遜上疏曰臣  
聞治亂討逆須兵爲威農桑衣食民之本業而干戈未戢  
民有飢寒臣愚以爲宜育養士民寬其租賦衆克在和義  
以勸勇則河渭可平九有一統矣權遂征彝州得不補失  
及公孫淵背盟權欲往征遜上疏乞息六師以威大

定中夏垂耀將來權用納焉嘉禾五年權北征使遜與諸  
葛瑾攻襄陽遜遣親人韓扁齎表奉報還遇敵於沔中鈔  
邏得扁瑾聞之甚懼書與遜云大駕已旋賊得韓扁具知  
吾濶狹且水乾宜當急去遜未答方催人種葑豆與諸將  
奕碁射戲如常瑾曰伯言多智略其當有以自來見遜遜  
曰賊知大駕以旋無所復感得專力於吾又已守要害之  
處兵將意動且當自定以安之施設變術然後出耳今便  
示退賊當謂吾飾仍來相感必敗之勢也乃密與瑾立計  
令瑾督舟船遜悉上兵馬以向襄陽城敵素憚遜遽還赴  
城瑾便引船出遜徐整部伍張拓聲勢步趨船敵不敢干

軍到白圍託言住獵潛遣將軍周峻張梁等擊江夏新市安陸石陽石陽市盛峻等奄至人皆捐物入城城門噎不得關敵乃自斫殺已民然後得闔斬首獲生凡千餘人其所生得皆加營護不令兵士干擾侵侮將家屬來者使就料視若亡其妻子者卽給衣糧厚加慰勞發遣令還或有感慕相攜而歸者鄰境懷之江夏功曹趙濯弋陽備將裴生及彝王梅頤等並帥支黨來附遂遂傾財帛周贍經流又魏江夏太守逮式兼領兵馬頗作邊害而與北舊將文聘子休宿不協遂聞其然卽假作荅式書云得報懇惻知與休久結嫌隙勢不兩存欲來歸附輒以密呈來書表

撰衆相迎宜潛速嚴更示定期以書置界上式兵得書以見式式惶懼遂自送妻子還洛由是吏士不復親附遂以免罷六年中郎將周祗乞於鄱陽召募事下問遂遂以爲此郡民易動難安不可與召恐致賊寇而祗固陳取之郡民吳遽等果作賊殺祗攻沒諸縣豫章廬陵宿惡民並應遽爲寇遂自聞輒討卽破遽等相率降遂料得精兵八千餘人三郡平時中書典校呂壹竊弄權柄擅作威福遂與太常潘濬同心憂之言至流涕後權誅壹深以自責時謝淵謝玄等各陳便宜欲興利改作以事下遂遂議曰國以民爲本疆由民力財由民出夫民殷國弱民瘠國彊者未

之有也故爲國者得民則治失之則亂若不受利而令盡  
用立効亦爲難也是以詩歎宜民宜人受祿于天乞垂聖  
恩寧濟百姓數年之間國用少豐然後更圖赤烏七年代  
顧雍爲丞相其州牧都護領武昌事如故先是二宮並闕  
中外職司多遣子弟給侍全琮報遜遜以爲子弟苟有才  
不憂不用不宜私出以要榮利若其不佳終爲取禍且聞  
二宮勢敵必有彼此此古人之厚忌也琮子寄果阿附魯  
王輕爲交構遜書與琮曰卿不師日磾而宿留阿寄終爲  
足下門戶致禍矣琮既不納更以致隙及太子有不安之  
議遜上疏陳太子正統宜有盤石之固魯王藩臣當使寵

秩有差彼此得所上下獲安謹叩頭流血以聞書三四上  
及求詣都欲口論適庶之分以匡得失既不聽許而遜外  
生顧譚顧承姚信並以親附太子枉見流徙太子太傅吾  
粲坐數與遜交書下獄死權累遣中使責讓遜遜憤恚致  
卒時年六十三家無餘財初暨豔造營府之論遜諫戒之  
以爲必禍又謂諸葛恪曰在吾前者吾必奉之同升在吾  
下者則扶持之今觀君氣陵其上意蔑乎下非安德之基  
也又廣陵楊竺少獲聲名而遜謂之終敗勸竺兄穆令與  
別族其先覩如此長子延早夭次子抗襲爵孫休時追謚  
遜曰昭侯

陸抗字幼節孫策外孫也遜卒時年二十拜建武校尉領  
遜衆五千人送葬東還詣都謝恩孫權以楊竺所白遜二  
十事問抗禁絕賓客中使臨詰抗無所顧問事事條答權  
意漸解赤烏九年遷立節中郎將與諸葛恪換屯柴桑抗  
臨去皆更繕完城圍葺其墻屋居廬桑果不得妄敗恪入  
屯儼然若新而恪柴桑故屯頗有毀壞深以爲慙太元元  
年就都治病病差當還權涕泣與別謂曰吾前聽用讒言  
與汝父大義不篤以此負汝前後所問一焚滅之莫令人  
見也建興元年拜奮威將軍太平二年魏將諸葛誕舉壽  
春降拜抗爲柴桑督赴壽春破魏牙門將偏將軍遷征北

將軍永安二年拜鎮軍將軍都督西陵自關羽至白帝三  
年假節孫皓卽位加鎮軍大將軍領益州牧建衡二年大  
司馬施績卒拜抗都督信陵西陵彝道樂鄉公安諸軍事  
治樂鄉抗聞都下政令多闕憂深慮遠乃上疏陳時宜十  
七條鳳皇元年西陵督步闡據城以叛遣使降晉抗聞之  
日部分諸軍令將軍左奕吾彥蔡貢等徑赴西陵勅軍營  
更築嚴圍自赤谿至故市內以圍闡外以禦寇晝夜催切  
如敵以至衆甚苦之諸將咸諫曰今及三軍之銳亟以攻  
闡比晉救至闡必可拔何事於圍而以弊士民之力乎抗  
曰此城處勢旣固糧穀又足且所繕修備禦之具皆抗所

宿規今反身攻之既非可卒克且北救必至至而無備表裏受難何以禦之諸將咸欲攻闡抗每不許宜都太守雷譚言至懇切抗欲服衆聽令一攻攻果無利圍備始合晉車騎將軍羊祜率師向江陵諸將咸以抗不宜上抗日江陵城固兵足無所憂患假令敵沒江陵必不能守所損者小如使西陵槃結則南山羣彝皆當擾動則所憂慮難可而言也吾寧棄江陵而赴西陵况江陵牢固乎初江陵平衍道路通利抗勅江陵督張咸作大堰遏水漸漬平中以絕寇叛祜欲因所遏水浮船運糧揚聲將破堰以通步軍抗聞使咸亟破之諸將皆惑屢諫不聽祜至當陽聞堰敗

乃改船以車運大費損功力晉巴東監軍徐胤率水軍詣建平荆州刺史楊肇至西陵抗令張咸固守其城公安督孫遵巡南岸禦祜水軍督留慮鎮西將軍朱琬拒胤身率三軍憑圍對肇將軍朱喬營都督俞贊亡詣肇抗日贊軍中舊吏知吾虛實者吾常慮彝兵素不簡練若敵攻圍必先此處卽夜易彝民皆以舊將充之明日肇果攻故彝兵處抗命旋軍擊之矢石雨下肇衆傷死者相屬肇至經月計屈夜遁抗欲追之而慮闡畜力項領伺視間隙兵不足分於是但鳴鼓戒衆若將追者肇衆克懼悉解甲挺走抗使輕兵躡之肇大破敗祜等皆引軍還抗遂陷西陵城誅

滅聞族及其大將吏自此以下所請赦者數萬口修治城  
圍東還樂鄉貌無矜色謙冲如常故得將士歡心加拜都  
護聞武昌左部督薛瑩徵下獄抗上疏乞原赦瑩罪時師  
旅仍動百姓疲弊抗上疏曰阻兵無衆古之明鑒誠宜暫  
息進取小規以畜士民之力觀釁伺隙庶無悔吝二年春  
就拜大司馬荊州牧三年夏疾病上疏曰西陵國之西門  
雖云易守亦復易失若有不守非但失一郡荊州非吳有  
也如其有虞當傾國爭之臣死之後乞以西方爲屬願陛  
下思覽臣言則臣死且不朽矣秋遂卒子晏嗣晏及弟景  
玄機雲分領抗兵晏爲裨將軍彝道監天紀四年晉軍伐

吳龍驤將軍王濬順流東下所至輒克終如抗慮

三國志本傳

按陸抗五子惟玄善終而天謚曰貞獻處士

陸景字士仁抗之子澡身好學著書數十篇以尚公主拜  
騎都尉封毘陵侯旣領抗兵拜偏將軍中夏督二月壬戌  
兄晏爲王濬別軍所殺癸亥景亦遇害時年三十一景妻  
孫皓適妹與景皆張承外孫也初景母坐外祖諸葛恪誅  
見黜景少爲祖母所育養及祖母亡景爲之心喪三年顧志  
陸凱字敬風丞相遜族子也黃武初爲永興諸暨長所在  
有治迹拜建武都尉領兵雖統軍衆手不釋書好太玄論  
演其意以筮輒驗赤烏中除儋耳太守討朱崖斬獲有功



遷爲建武校尉五鳳二年討山賊陳恣於零陵斬恣克捷  
拜巴丘督偏將軍封都鄉侯轉爲武昌右部督與諸將共  
赴壽春還累遷盪魏綏遠將軍孫休卽位拜征北將軍假  
節領豫州牧孫皓立遷鎮西大將軍都督巴丘領荊州牧  
進封嘉興侯孫皓與晉平使者丁忠自北還說皓戈陽可  
襲凱諫止寶鼎元年遷左丞相皓性不好人視已羣臣侍  
見皆莫敢迂凱說皓曰夫君臣無不相識之道若卒有不  
虞不知所赴皓聽凱自視時徙都武昌揚土百姓泝流供  
給以爲患苦又政事多謬黎元窮匱凱上疏曰臣伏見當  
今內寵之臣位非其人任非其量不能輔國匡時羣黨相

扶害忠隱賢願陛下簡文武之臣各勤其官州牧督將藩  
鎮方外公卿尚書務修仁化上助陛下下拯黎民各盡其  
忠拾遺萬一則康哉之歌作刑錯之理清願陛下留神思  
臣愚言時殿上列將何定佞巧便僻貴幸任事凱面責定  
曰卿見前後事主不忠傾亂國政寧有得以壽終者邪何  
以專爲奸邪穢塵天聽宜自改厲不然方見卿有不測之  
禍矣定大恨凱思中傷之凱終不以爲意乃心公家義形  
於色表疏皆指事不飾忠懇內發建衡元年疾病皓遣中  
書令董朝問所欲言凱陳何定不可任用宜授外任不宜  
委以國事奚熙小吏建起浦里田欲復嚴密故迹亦不可

聽姚信樓玄賀邵張悌郭連薛瑩滕修及族弟喜抗或清白忠勤或姿才卓茂皆社稷之楨榦國家之良輔願陛下重留神思訪以時務各盡其忠拾遺萬一遂卒時年七十二子禕初爲黃門侍郎出領部曲拜偏將軍凱亡後入爲太子中庶子右國史華覈表薦禕曰禕體質方剛器榦彊固董率之才魯肅不過及被召當下徑還赴都道由武昌曾不廻顧器械軍資一無所取在戎果毅臨財有節夫夏口賊之衝要宜選名將以鎮戍之臣竊思惟莫善於禕初皓常銜凱數犯顏忤旨加何定譖構非一旣以重臣難繩以法又陸抗時爲大將在疆場故以計容忍抗卒後竟

凱家於建安

三國志本傳

陸瑁字子璋丞相遜弟也少好學篤義陳國陳融陳留濮陽逸沛郡蔣纂廣陵袁迪等皆單貧有志就瑁遊處瑁割少分甘與同豐約及同郡徐原爰居會稽素不相識臨死遺書託以孤弱瑁爲起立墳墓收導其子又瑁從父績早亡一男一女皆數歲以還瑁迎攝養至長乃別州郡辟舉皆不就時尚書暨豔盛明臧否差斷三署頗揚人闇昧之失以顯其謫瑁與書曰汝賴月旦之評未易行也宜遠模仲尼之汎愛中則郭泰之弘濟豔不能行卒以致敗嘉禾元年公車徵瑁拜議郎選曹尚書孫權忿公孫淵之巧詐

反覆欲親征之瑁上疏諫權再覽瑁書嘉其詞理端切遂不行初瑁同郡聞人敏見待國邑憂於宗修惟瑁以爲不然後果如其言赤烏二年瑁卒子喜亦涉文籍好人倫孫

皓時爲選曹尚書

三國志本傳

陸胤字敬宗凱弟也始爲御史尚書選曹郎太子和聞其名待以殊禮會全寄楊竺等阿附魯王霸與和分爭陰相譖搆胤坐收下獄楚毒備至終無他辭後爲衡陽督軍都尉赤烏十一年交阯九真彝賊攻沒城邑交部搔動以胤爲交州刺史安南校尉胤入南界喻以恩信務崇招納高涼渠帥黃吳等支黨三千餘家皆出降引軍而南重宣至

誠遺以財幣賊帥百餘人民五萬餘家深幽不羈莫不稽顙交域清泰就加安南將軍復討蒼梧建陵賊破之前後八千餘人以充軍用永安元年徵爲西陵督封都亭侯後轉左虎林中書丞華覈表薦胤宜在輦轂股肱王室胤卒子式嗣爲柴桑督揚武將軍天策元年與從兄禕俱徙建安天紀二年召還建業復將軍侯

三國志本傳

晉十一人

陸機字士衡官平原內史傳見文苑中陸雲字士龍六歲能屬文性清正有才理少與兄機齊名雖文章不及機而持論過之號曰二陸幼時吳尚書廣陵

松江府志 卷之三十六  
閔鴻見而奇之曰此兒若非龍駒當是鳳雛後舉雲賢良  
時年十六吳平入洛機初詣張華華問雲何在機曰雲有  
笑疾未敢自見俄而雲至華爲人多姿制又好帛繩纏鬚  
雲見而大笑不能自已先是嘗著縷經上船於水中顧見  
其影因大笑落水人救獲免雲與荀隱素未相識嘗會華  
坐華曰今日相遇可勿爲常談雲因抗手曰雲間陸士龍  
隱曰日下荀鳴鶴鳴鶴隱字也雲又曰旣開青雲覩白雉  
何不張爾弓挾爾矢隱曰本謂是雲龍駸駸乃是山鹿  
野麋獸微弩強是以發遲華撫手大笑刺史周浚召爲從事  
謂人曰陸士龍當今之顏子也俄而公府掾爲太子舍人

出補浚儀令縣居都會之要名爲難理雲到官肅然下不  
能欺市無二價人有見殺者王名不立雲錄其妻而無所  
問十許日遣出密令人隨後謂曰其去不出十里當有男  
子候之與語便縛來旣而果然問之具服云與此妻通共  
殺其夫聞妻得出欲與語憚近縣故遠相要候於是一縣  
稱其神明郡守害其能屢譴責之雲乃去官百姓追思之  
圖畫形像配食縣社尋拜吳王晏郎中令晏於西園大營  
第室雲上書時晏信任部將使覆察諸官錢帛雲又陳雲  
愛才好士多所貢達移書太常府薦同郡張瞻入爲尚書  
郎侍御史太子中舍人中書侍郎成都王穎表爲清河內

史穎將討齊王冏以雲爲前鋒都督會冏誅轉大將軍右  
司馬穎晚節政衰雲屢以正言忤旨孟玖欲用其父爲邯  
鄲令左長史盧志等並阿意從之而雲固執不許曰此豈  
皆公府掾資豈有黃門父居之邪玖深忿怨張昌爲亂穎  
表雲爲使持節大都督前鋒將軍以討昌會伐長沙王乃  
止機之敗也并收雲穎官屬江統蔡克棗嵩等上疏穎不  
納統等重請穎遲迴者三日盧志又曰昔趙王殺中護軍  
趙浚赦其子驤詣明公而擊趙卽前事也蔡克入至穎  
前叩頭流血曰雲爲孟玖所怨遠近莫不聞今果見殺罪  
無彰驗將令羣心疑惑竊爲明公惜之僚屬隨克入者數

十人流涕固請穎惻然有宥雲色孟玖扶穎入催令殺雲  
時年四十二有二女無男門生故吏迎喪葬清河修墓立  
碑四時祠祭所著文章三百四十九篇又撰新書十篇並  
行於世雲弟耽爲東平祭酒亦有清譽與雲同遇害大將  
軍參軍孫惠與淮南內史朱誕書曰不意三陸相攜闔朝  
一旦湮滅道業淪喪痛酷之深荼毒難言國喪雋望悲豈  
一人其爲州里所痛悼如此後東海王越討穎移檄天下  
亦以機雲兄弟枉害罪狀穎云

晉書本傳略

陸喜字恭仲父瑁吳吏部尚書喜仕吳累遷吏部尚書少  
有聲名好學有才思嘗爲自叙其略曰劉向省新語而作

新序桓譚詠新序而作新論余不自量感子雲之法言而  
作言道觀賈子之美才而作訪論觀子政洪範而作古今  
歷覽蔣子通萬機而作審機讀幽通思玄四愁而作娛賓  
九思真所謂忍愧者也其書近百篇吳平又作西州清論  
傳于世借稱諸葛孔明以行其書也有較論格品篇曰或  
問余薛瑩最是國士之第一者乎荅曰以理推之在乎四  
五之間問者愕然請問荅曰夫孫皓無道肆其暴虐若龍  
蛇其身沉默其體潛而勿用趣不可測此第一人也避尊  
居卑祿代耕養玄靜守約冲退澹然此第二人也侃然體  
國思治心不辭貴以方見憚執政不懼此第三人也斟酌

時宜在亂猶顯意不忘忠時獻微益此第四人也溫恭修  
慎不爲諂首無所云補從容保寵此第五人也過此已往  
不足復數故第二已上多淪沒而遠悔吝第三已下有聲  
位而近咎累是以深識君子晦其明而履柔順也問者曰  
始聞高論終年啓寤矣太康中下詔曰僞尚書陸喜等十  
五人南士歸稱並以貞潔不容皓朝或忠而獲罪或退身  
修志放在草野主者可皆隨本位就下拜除勅所在以禮  
發遣須到隨才授用乃以喜爲散騎常侍尋卒子育爲尚  
書郎弋陽太守

晉書  
本傳

吾彥字士則吳郡吳人也出自寒微有文武才幹身長八

尺手格猛獸膂力絕羣仕吳爲通江吏時將軍薛翊杖節南征軍容甚盛彥觀之慨然而歎有善相者劉札謂之曰以君之相後當至此不足慕也初爲小將給吳大司馬陸抗抗奇其勇略將拔用之患衆情不允乃會諸將密使人陽狂拔刀跳躍而來坐上諸將皆懼而走唯彥不動舉凡禦之衆服其勇乃擢用焉稍遷建平太守時王濬將伐吳造船於蜀彥覺之請增兵爲備皓不從彥乃輒爲鐵鎖橫斷江路及師臨境緣江諸城皆望風降附或見攻而拔唯彥堅守大衆攻之不能剋乃退舍禮之吳亡彥始歸降武帝以爲金城太守帝常從容問薛瑩曰孫皓所以亡國者

何也瑩對曰歸命侯臣皓之君吳昵近小人刑罰妄加大臣大將無所親信人人憂恐各不自安敗亡之釁由此而作矣其後帝又問彥對曰吳主英俊宰輔賢明帝笑曰君明臣賢何爲亡國彥曰天祿永終歷數有屬所以爲陛下擒此蓋天時豈人事也張華時在坐謂彥曰君爲吳將積有歲年蔑爾無聞竊所惑矣彥厲聲曰陛下知我而卿不聞乎帝甚嘉之轉在敦煌威恩甚著遷鴈門太守時順陽王暢驕縱前後內史皆誣之以罪及彥爲順陽內史彥清身率下威刑嚴肅衆皆畏懼暢不能誣乃更薦之冀其去職遷員外散騎常侍帝常問彥陸喜陸抗二人誰多也彥

對曰道德名望抗不及喜立功立事喜不及抗會交州刺史陶璜卒以彥爲南中都督交州刺史重餉陸機兄弟機將受之雲曰彥本微賤爲先公所拔而荅詔不善安可受之機乃止因此每毀之長沙孝廉尹虞謂機等曰自古由賤而興者乃有帝王何但公卿若何元幹侯孝明唐儒宗張義允等並起自寒微皆內侍外鎮人無譏者卿以士則荅詔小有不善毀之無已吾恐南人皆將去卿卿便獨坐也於是機等意始解毀言漸息矣初陶璜之死也九真戍兵作亂逐其太守九真賊帥趙祖圍郡城彥悉討平之在鎮二十餘年威恩宣著南州寧靖自表求代徵爲大長秋

卒於官

晉書本傳

張翰字季鷹官大司馬掾傳見隱逸中

陸曄字士光吳郡吳人也伯父喜吳吏部尚書父英高平相員外散騎常侍曄少有雅望從兄機每稱之曰我家世不乏公矣居喪以孝聞同郡顧榮與鄉人書曰士光氣息裁屬慮其性命言之傷心矣後察孝廉除永世烏江二縣令皆不就元帝初鎮江左辟爲祭酒尋補振威將軍義興太守以疾不拜預討華軼功封平望亭侯累遷散騎常侍本郡大中正太興元年遷太子詹事時帝以侍中皆北士宜兼用南人曄以清貞著稱遂拜侍中徙尚書領州大中



正明帝卽位轉光祿勳遷太常代紀瞻爲尚書左僕射領  
太子少傅尋加金紫光祿大夫代卞壹爲領軍將軍以平  
錢鳳功進爵江陵伯帝不豫曄與王導卞壹庾亮溫嶠郗  
鑒並受顧命輔皇太子更入殿將兵直宿錄尚書事加散  
騎常侍成帝踐阼拜左光祿大夫開府儀同三司給親兵  
百人常侍如故蘇峻之難曄隨帝在石頭舉動方正不以  
凶威變節峻以曄吳士之望不敢加害使守留臺匡術以  
苑城歸順時共推曄督宮城軍事峻平加衛將軍給千兵  
百騎以勲進爵爲公封次子嘏新康子咸和中求歸鄉里  
拜墳墓有司奏舊制假六十日侍中顏含黃門侍郎馮懷

駁曰曄內蘊至德清一其心受託付之重居台司之位旣  
蒙詔許歸省墳坐大臣之義本在忘已豈容有期而反無  
期必違愚謂宜還自還不須制日帝從之曄因歸以疾卒  
時年七十四追贈侍中車騎大將軍謚曰穆子謙散騎常

侍

晉書  
本傳

陸玩字士瑤器量淹雅弱冠有美名賀循每稱其清允平  
當郡檄綱紀東海王越辟爲掾皆不就元帝引爲丞相參  
軍時王導初至江左思結人情請婚於玩玩對曰培塿無  
松栢薰蕕不同器玩雖不才義不能爲亂倫之始導乃止  
玩嘗詣導食酪因而得疾與導牋曰僕雖吳人幾爲傖鬼

其輕易權貴如此累加奮武將軍徵拜侍中以疾辭王敦請爲長史逼以軍期不得已乃從命敦平尚書令郗鑒議敦佐吏不能匡正姦惡宜皆免官禁錮會溫嶠上表申理得不坐復拜侍中遷吏部尚書領會稽王師讓不拜轉尚書左僕射領本州大中正及蘇峻反遣玩與兄曄俱守宮城玩潛說匡術歸順以功封興平伯轉尚書令授左光祿大夫開府儀同三司加散騎常侍餘如故玩頻自表優詔褒揚重復自陳詔不許尋王導郗鑒庾亮相繼薨朝野咸以爲三良旣沒國家殄瘁以玩有德望乃遷侍中司空給羽林四十人玩旣拜有人詣之索盃酒瀉置柱梁之間呪

曰當今乏材以爾爲柱石莫傾人梁棟邪玩笑曰戢卿良箴旣而歎息謂賓客曰以我爲三公是天下爲無人談者以爲知言玩雖登公輔謙讓不辟掾屬成帝聞而勸之玩不得已而從命所辟皆寒素有行之士玩翼亮累世常以弘重爲人主所貴加性通雅不以名位格物誘納後進謙若布衣由是搢紳之徒莫不膺其德宇後疾甚薨年六十四諡曰康給兵千人守冢七十家太元中功臣普被減削司空何充等止得六家以玩有佐命之勳先陪陵而葬由是特置興平伯官屬以衛墓子始嗣歷侍中尚書晉書本傳陸納字祖言少有清操貞厲絕俗初辟鎮軍大將軍武陵

王掾州舉秀才太原王述雅敬重之引爲建威長史累遷黃門侍郎本州別駕尚書吏部郎出爲吳興太守將之郡先至姑孰辭桓溫因問溫曰公致醉可飲幾酒食肉多少溫曰年大來飲三升便醉白肉不過十臠卿復云何納曰素不能飲止可二升肉亦不足言後伺溫閑謂之曰外有微禮方守遠郡欲與公一醉以展下情溫欣然納之時王坦之刁彞在坐及受禮唯酒一斗鹿肉一梓坐客愕然納徐曰明公近云飲酒三升納止可二升今有一斗以備杯杓餘瀝溫及賓客並嘆其率素更勅中厨設精饌酣飲極懽而罷納至郡不受俸祿頃之徵拜左民尚書領州大中

正將應召外白宜裝幾船納曰私奴裝糧食來無所復須也臨發止有被幘而已其餘並封以還官遷太常徙吏部尚書加奉車都尉衛將軍謝安嘗欲詣納而納殊無供辦其兄子俶不敢問之乃密爲之具安旣至納所設唯茶果而已俶遂陳盛饌珍羞畢具客罷納大怒曰汝不能光益父叔乃復穢我素業邪於是杖之四十其舉措多此類後以愛子長生有疾求解官營視兄子禽又犯法應刑乞免官謝罪詔特許輕降頃長生小佳諭還攝職尋遷尚書僕射轉左僕射加散騎常侍俄拜尚書令常侍如故恪勤貞固始終不渝時會稽王道子以少年專政委任羣小納望

闕而嘆曰好家居織兒欲撞壞之邪朝士咸服其忠亮尋  
除左光祿大夫開府儀同三司未拜而卒卽以爲贈長生  
先卒無子以弟子道隆嗣元熙中爲廷尉晉書本傳  
陸退字黎民凱從孫也祖仰吏部郎父州主簿退爲謝安  
主簿嘗問張憑作母誅而不作父誅退荅曰丈夫之德表  
於事行婦人之美非誅不顯退憑之婿也仕至光祿大夫

顧志

陸監字始明璩之子少而隱靜方直抗烈除後將軍司馬  
以功封西陽亭侯顧志

南北朝

宋人

顧覲之字偉仁吳郡吳人也高祖謙字公讓晉平原內史  
陸機姊夫祖崇大司農父黃老司徒左西掾覲之初爲郡  
主簿謝晦爲荊州以爲南蠻功曹仍爲晦衛軍參軍晦愛  
其雅素深相知待王弘辟爲揚州主簿仍爲弘衛軍參軍  
鹽官令衡陽王義季右軍主簿尚書都官郎護軍司馬時  
大將軍彭城王義康秉權殷劉之隙已著覲之不欲與殷  
景仁久接事乃辭脚疾自免歸在家每夜常於牀上行脚  
家人竊異之而莫曉其意後義康徙廢朝廷多以異同受  
禍復爲東選山陰令山陰民戶三萬海內劇邑前後官長  
晝夜不得休事猶不舉覲之理繁以約縣用無事晝日垂

廉門階閑寂自宋世爲山陰務簡而績修莫能尚也還爲揚州治中從事史廣陵王誕廬陵王紹北中郎左司馬揚州別駕從事史尚書吏部郎常於太祖坐論江左人物言及顧榮袁淑謂覲之曰卿南人怯懦豈作賊覲之正色曰卿乃復以忠義笑人淑有愧色元凶弒立朝士無不移任唯覲之不徙官世祖卽位遷御史中丞孝建元年出爲義陽王昶東中郎長史寧朔將軍行會稽郡事尋徵爲右衛將軍領本邑中正明年出爲湘州刺史善於莅民治甚有績大明元年徵守度支尚書領本州中正二年轉吏部尚書四年致仕不許時沛郡相縣唐賜往比邨朱起母彭家

飲酒還因得病吐蠱蟲十餘枚臨死語妻張死後剝腹出病後張手自破視五藏悉糜碎郡縣以張忍行剝剖賜子副又不禁駐事起赦前法不能決律傷死人四歲刑妻傷夫五歲刑子不孝父母棄市並非科例三公郎劉思議賜妻痛往遵言兒識謝及理考事原心非存忍害謂宜哀矜覲之議曰法移路尸猶爲不道况在妻子而忍行凡人所不行不宜曲通小情當以大理爲斷謂副爲不孝張同不道詔如覲之議加左軍將軍出爲吳郡太守八年復爲吏部尚書加給事中未拜欲以爲會稽不果還爲吳郡太守幸臣戴法興權傾人主而覲之未嘗降意左光祿大夫蔡

興宗與覲之善嫌其風節過峻覲之曰辛昆有云孫劉不  
過使吾不爲三公耳及世祖晏駕法興遂以覲之爲光祿  
大夫加金章紫綬太宗泰始初四方同反覲之家尋陽尋  
陽王子房加以位號覲之不受曰禮年六十不服戎以其  
筋力衰謝非復軍旅之日况年將八十殘生無幾守盡家  
門不敢聞命孔覲等不能奪時普天叛逆莫或自免唯覲  
之心迹清全獨無所與太宗甚嘉之東土旣平以爲左將  
軍吳郡太守加散騎常侍泰始二年復爲湘州刺史常侍  
將軍如故三年卒時年七十六追贈鎮軍將軍常侍刺史  
如故諡曰簡子覲之家門雍睦爲州鄉所重五子約緝縉

縝緝縉私財甚豐鄉里士庶多負其責覲之每禁之不能  
止及後爲吳郡誘縉曰我常不許汝出責定思貧薄亦不  
可居民間與汝交關有幾許不盡及我在郡爲汝督之將  
來豈可得凡諸券書皆何在縉大喜悉出諸文券一大厨  
與覲之覲之悉焚燒宣語遠近負三郎責皆不須還凡券  
書悉燒之矣縉懊歎彌日覲之常謂秉命有定分非智力  
所移唯應恭已守道信天任運而闇者不達妄求僥倖徒  
虧雅道無關得喪乃以其意命弟子愿著定命論論見宋書中  
愿字子恭父淵之散騎侍郎愿好學有文辭於世大明中  
舉秀才對策稱旨擢爲著作佐郎太子舍人早卒

朱書本傳

南北朝

齊一人

陸慧曉字叔明吳郡吳人也祖萬載侍中父子真元嘉中為海陵太守時中書舍人秋當親幸家在海陵假還葬父子真不與相聞當請發民治橋又以妨農不許彭城王義康聞而賞焉自臨海太守眼疾歸為中散大夫卒慧曉清介正立不雜交游會稽內史同郡張暢見慧曉童幼便嘉異之張緒稱之曰江東裴樂也初應州郡辟舉秀才衛尉史歷諸府行參軍以母老還家侍養十餘年不仕太祖輔政除為尚書殿中郎隣族來相賀慧曉舉酒曰陸慧曉年踰三十婦父領遷始作尚書郎卿輩乃復以為慶邪太祖

表禁奢侈慧曉撰荅詔草為太祖所賞引為太傅東閣祭酒建元初仍遷太子洗馬武陵王彞守會稽上為精選僚吏以慧曉為征魯功曹與府參軍沛國劉璡同從述職行至吳璡謂人曰吾聞張融與陸慧曉並宅其間有水此水必有異味遂往酌而飲之廬江何點薦慧曉於豫章王疑補司空掾加以恩禮轉長沙王鎮軍諮議參軍安陸侯緬為吳郡復禮異慧曉慧曉求補緬府諮議參軍遷始興王前將軍安西諮議領冠軍錄事參軍轉司徒從事中郎遷右長史時陳郡謝朓為左長史府公竟陵王子良謂王融曰我府二上佐求之前世誰可為比融曰兩賢同時便是

未有前例子良於西邸抄書令慧曉參知其事尋遷西陽王征魯巴陵王後軍臨汝公輔國三府長史行府州事復爲西陽王左軍長史領會稽郡丞行郡事隆昌元年徙爲晉熙王冠軍長史江夏內史行郢州事慧曉歷輔五政治身清肅僚佐以下造請趣起送之或謂慧曉曰長史貴重不宜妄自謙屈荅曰我性惡人無禮不容不以禮處人未嘗卿士大夫或問其故慧曉曰貴人不可卿而賤者可卿人生何容立輕重於懷抱終身常呼人位建武初除西中郎長史行事內史如故俄徵黃門郎未拜遷吏部郎尚書令王晏選門生補內外要局慧曉爲用數人而止晏恨之

送女妓一人欲與申好慧曉不納吏曹都令史歷政以來諮執選事慧曉任已獨行未常與語帝遣左右單景儁以事詢問慧曉謂景儁曰六十之年不復能諮都令史爲吏部郎也上若謂身不堪便當拂衣而遷帝甚憚之後欲用爲侍中以形短小乃止出爲輔國將軍晉安王鎮北司馬征北長史東海太守行府州事入爲五兵尚書行揚州事崔慧景事平領右軍將軍出監南徐州少時仍遷持節督南兗兖徐青冀五州軍事輔國將軍南兗州刺史至鎮俄爾以疾歸卒年六十二贈太常同郡顧憲之字士思宋鎮南將軍覲之孫也性尤清直歷黃門郎吏部郎永元中爲



豫章內史

齊書本傳

南北朝

梁一人

陸倕字佐公吳郡吳人也晉太尉玩六世孫祖子真宋東陽太守父慧曉齊太常卿倕少勤學善屬文於宅內起兩間茅屋杜絕往來晝夜讀書如此者數載所讀一遍必誦於口嘗借人漢書失五行志四卷乃暗寫還之畧無遺脫幼爲外祖張岱所異岱嘗謂諸子曰此兒汝家之陽元也十七舉本州秀才刺史竟陵王子良開西邸延英俊倕亦預焉辟議曹從事參軍廬陵王法曹行參軍天監初爲右軍安成王外兵參軍轉主簿倕與樂安任昉友善爲感知

已賦以贈昉昉因此名以報之其爲士友所重如此遷驃騎臨川王東曹掾是時禮樂制度多所創革高祖雅愛倕才乃敕撰新漏刻銘其文甚美遷太子中舍人管東宮書記又詔爲石闕銘記奏之敕賜絹三十疋遷太子庶子國子博士母憂去職服闋爲中書侍郎給事黃門侍郎揚州別駕從事史以疾陳解遷鴻臚卿入爲吏部郎參選事出爲雲麾晉安王長史尋陽太守行江州府州事以公事免左遷中書侍郎司徒司馬太子中庶子廷尉卿又爲中庶子加給事中揚州大中正復除國子博士中庶子中正並如故守太常卿中正如故普通七年卒年五十七文集二

十卷行於世第四子纘早慧十歲通經為童子奉車郎卒

梁書本傳

南北朝人

顧野王字希馮吳郡吳人也祖子喬梁東中郎武陵王府參軍事父烜信威臨賀王記室兼本郡五官掾以儒術知名野王幼好學七歲讀五經畧知大旨九歲能屬文嘗製日賦領軍朱异見而奇之年十二隨父之建安撰建安地記二篇長而遍觀經史精記嘿識天文地理著龜占候蟲篆奇字無所不通梁大同四年除太學博士遷中領軍臨賀王府記室參軍宣城王為揚州刺史野王及琅邪王褒

並為賓客王甚愛其才野王又好丹青王於東府起齋乃令野王畫古賢命王褒書贊時人稱為二絕及侯景之亂野王丁父憂歸本郡乃召募鄉黨數百人隨義軍援京邑野王體素清羸裁長六尺又居喪過毀殆不勝衣及杖戈被甲陳君臣之義逆順之理抗辭作色見者莫不壯之京城陷野王逃會稽尋往東陽與劉歸義合軍據城拒賊侯景平太尉王僧辯深嘉之使監海鹽縣高祖作宰為金威將軍安東臨川王府記室參軍尋轉府諮議參軍天嘉元年勅補撰史學士尋加招遠將軍光大元年除鎮東鄱陽王諮議參軍太建二年遷國子博士後主在東宮野王兼



東宮管記本官如故六年除太子率更令尋領大著作掌  
國史知梁史事兼東宮通事舍人時宮僚有濟陽江總吳  
國陸瓊北地傅綽吳興姚察並以才學顯著論者推重焉  
遷黃門侍郎光祿卿知五禮事餘官並如故十三年卒時  
年六十三詔贈祕書監至德二年又贈右衛將軍野王少  
以篤學至性知名在朝無過辭失色觀其容貌似不能言  
及其勵精力行皆人所莫及第三弟充國早卒野王撫養  
孤幼恩義甚厚其所撰著玉篇三十卷輿地志三十卷符  
瑞圖十卷顧氏譜傳十卷分野樞要一卷續洞冥記一卷  
玄象表一卷並行於世又撰通史要畧一百卷國史紀傳  
一百卷未就而卒有文集二十卷

隋人

陸士季從同郡顧野王學左氏春秋司馬史班氏漢書仕  
陳桂陽王府左常侍入隋爲越王侗記室兼侍讀侗稱制  
擢著作郎時王世充將篡逆謂士季曰隋有天下三十年  
朝果無忠臣乎士季對曰見危授命臣宿志也請因啓事  
爲陛下殺之謀洩不克貞觀初終太學博士兼弘文館學  
士孫元愬曾孫南金別有傳

陳志

松江府志卷之三十九

松江府志卷之四十一

名臣

唐六人

陸元感字達禮梁婁縣令慶之曾孫周王府文學詳正殿  
 學士謀道之子生而敏慧謀道善班固漢書元感傳其學  
 解褐參韓王府軍事除婺州龍丘丞遷建德歷陽二縣令  
 咸有善政加朝散大夫護軍行黃州司馬神龍三年卒子  
 南金趙璧別有傳顧志  
 顧道衍字正平野王之孫開元中舉進士又登文學優贍  
 科仕為湖州司功參軍廉平惠愛獄簡訟息民稱焉後棄

官歸吳築室奉母

陳志

陸南金官太子洗馬傳見獨行中

按顧志陸南金字季孫而史傳無字故不敢載

陸贄字敬輿蘇州嘉興人

時華亭屬嘉興

十八第進士中博學宏

辭調鄭縣尉罷歸壽州刺史張鑑有重名贄往見語三日奇之請為忘年交既行餉錢百萬曰請為母夫人一日費贄不納止受茶一串以書判拔萃補渭南尉德宗立遣黜陟使庾何等十一人行天下贄說使者請以五術省風俗八計聽吏治三科登雋又四賦經財實六德保罷察五要簡官事時皆躐其言遷監察御史帝在東宮已聞其名矣召為翰林學士從狩奉天機務填總遠近調發奏請報下

書詔日數百贄初若不經思逮成皆周盡事情人人可旁吏承寫不給他學士筆不得下而贄沛然有餘始帝倉卒變故每自剋責贄曰陛下引咎堯舜意也然致寇者乃羣臣罪贄意指盧杞等帝護杞因曰卿不忍歸過朕有是言哉然自古興衰亦有天命今之厄運恐不在人也贄退而上書曰陛下有股肱之臣不能竭誠効死罪也以興衰諉之天命過矣天命在人致寇之由豈運當然今生亂之事不可追矣其資治之策在遠儉佞親忠直推至誠去逆詐斯道易行第約之於心耳帝又問贄事切於今者贄勸帝羣臣參日使極言得失若以軍務對者見不以時聽納

無倦兼天下智以爲聰明帝曰朕豈不推誠然願上封者  
惟譏斥人短長類非忠直往謂君臣一體故推信不疑至  
儉人賣爲威福今茲之禍推誠之敝也又諫者不密要須  
歸曲於朕以自取名朕嗣位見言事多矣大抵雷同道聽  
加質則窮故頃不詔次對豈曰倦哉勢因是極諫是時時  
未平帝欲明年遂改元而術家爭言數鍾百六宜有所變  
示天下復始帝乃議更益大號贄曰今乘輿播越大慙未  
去陛下宜痛自貶勵不宜益美名以累謙德帝從之會  
元赦令方具帝以橐付贄使商討其詳贄知帝執德不  
困則思治恭則易驕欲激之使強其意卽建言欲紓多

收羣心惟在赦令而已動人以言所感已淺言又不切人  
誰肯懷夫感者誠發於心而形於事事或未諭故宣之於  
言言必顧心心必副事三者相合乃可求感惟陛下先斷  
厥志以施其辭度可行者而宣之不可者措之無苟於言  
以重取悔帝納之始帝播遷府藏委棄衛兵無褚衣至是  
天下貢奉稍至帝乃於行在夾廡署瓊林大盈二庫別藏  
貢物贄諫帝悟卽撤其署李懷光有異志欲怒其軍使叛  
卽上言兵廩薄與神策不等難以戰李晟密言其變因請  
移屯帝遣贄見懷光議事贄還勸帝許晟移軍請下詔書  
遣李建徽陽惠元與晟并屯東渭橋帝猶豫曰晟移屯懷

光固怏怏若又遣建徽等俱東彼且爲辭少須之晟已徙營不閱旬懷光果奪兩節度兵建徽挺身免惠元死之行在震驚遂徙幸梁道有獻瓜果者帝嘉其意欲授以試官贊曰爵位天下公器不可輕也帝曰試官虛名且已與宰相議矣卿其無嫌時鳳翔節度使李楚琳殺張鎰得位雖數貢奉議者頗言其挾兩端有所狙伺然帝亦不能容其使至皆不得召欲以渾瑊代之贊諫帝釋然盡召見其使優詔勞安之帝欲以內外從官普號定難元從功臣贊諫帝乃止京師已平帝欲召渾瑊訪奔散內人給裝使赴行在贊諫帝不復下詔猶遣使諭瑊資遣初劉從一姜公輔

等材不逮贊遠甚徒以單言暫謀偶有合由下位逮台宰而贊孤立一意爲左右權倖沮短又言事無所回諱陰失帝意久之不得宰相還京但爲中書舍人毋韋猶在江東帝遣中人迎還京師俄以喪解官客東都諸方闕遺一不取惟常臯以布衣交先以聞故所致輒稱詔受之又詔中人護父柩至白吳會葬洛陽服除以權知兵部侍郎復召爲學士入謝伏地鰓泣帝爲興改容慰撫眷遇彌渥天下屬以爲相而竇參素不平忌之贊亦數言參失貞元七年罷學士以兵部侍郎知貢舉明年參黜乃以中書侍郎同中書門下平章事帝始任楊炎盧杞引樹私黨排忠良天

下怨疾貞元後懲艾其失雖置宰相至除用庶官反覆參詰乃得下及贄秉政始請臺閣長官得自薦其屬有不職坐舉者帝初許之或言諸司所引皆親黨招賂遺無實才帝復詔宰相自擇贄奏帝雖嘉之然卒停薦士詔舊制吏部選以歲集乾元後天下兵興率三年一調吏員稽壅則案牒叢淆偽冒蒙真吏緣以爲姦廢置無綱至十年不被調者缺員或累歲不補贄乃請以內外員三分之每歲計闕集人檢柅吏姦天下便之當是時賈耽盧邁趙憬同輔政凡有司關白三人者更相顧不肯判贄又請如故事當旬一人秉筆所咨輒判又以西北邊歲調河南江淮兵謂

之防秋士不素練統制不一亡以應敵乃上陳其弊帝愛重其言不能從也班宏判度支卒官贄薦李異帝漫許之而自用裴延齡贄言延齡僻戾躁妄不可用不聽延齡姦佞得君天下仇惡無敢言贄上書苦諫帝不懌竟以太子賓客罷贄本畏慎未嘗通賓客延齡揣帝意薄讒短白緒帝遂發怒欲誅贄賴陽城等交章論辯乃貶忠州別駕後稍思之會薛延爲刺史諭旨慰勞韋臯數上表請贄代領劍南帝猶銜之不肯與順宗立召還詔未至卒年五十二贈兵部尚書謚曰宣始贄入翰林年尚少以材幸天子常以輩行呼而不名在奉天朝夕進見然小心精潔未嘗有



過由是帝親倚至解衣衣之同類莫敢望雖外有宰相王  
大議而贊常居中參裁可否時號內相嘗爲帝言今盜徧  
天下宜痛自咎悔以感人心昔成湯罪已以興楚昭王出  
奔以一言復國陛下誠不吝改過以言謝天下使臣持筆  
亡所忌庶叛者革心帝從之故奉天所下制書雖武人悍  
卒無不感動流涕後李抱真入朝爲帝言陛下在奉天山  
南時赦令至山東士卒聞者皆感泣思奮臣是時知賊不  
足平議者謂與元戡難功雖牙爪宣力蓋贊有助焉狩山  
南道險與從官相失夜召贊不得帝驚且泣詔軍中得贊  
者賞千金久之上謁帝喜見顏問自太子以下皆賀及輔

政不敢自顧事有可否必言之所言皆剴拂帝短懇到深  
切或規其太過者對曰上不負天子下不負所學皇他卹  
乎旣放荒遠常闔戶人不識其面又避謗不著書地苦瘴

癘祇爲今古集驗方五十篇示鄉人云

新唐書  
傳畧

陸明允字信夫宣公贊之從子元和三年以集賢校理出  
爲奉化令惻惻無華視民如子屬歲大旱隣境人相食明  
允輯和其民振廩食以給餓者全活數萬人治行爲天下  
第一復於龍潭溪繫石障水鑿引流下通廣平湖達於江  
溉田數千頃後名其堰曰資國渠曰新河至今賴之在邑

五年卒

陳志

陸扆字祥文宰相贊族孫光啟二年從僖宗幸山南擢進士第累進翰林學士中書舍人扆屬辭敏速一時書命同僚自以爲不及昭宗優遇之帝嘗作賦詔學士皆和獨扆最先就帝覽之嘆曰貞元時陸贄吳通玄兄弟善內廷文書後無繼者今朕得之累爲尚書左丞封嘉興縣男徙戶部侍郎同中書門下平章事故事自三省得宰相有光署錢留爲宴資學士院未始有至扆送光院錢五十以榮近司進中書侍郎判戶部嗣覃王以兵伐鳳翔扆諫曰國步方安不宜加兵近輔必爲它盜所乘無益也且親王而屬軍事必有後害帝顧軍興責扆沮撓貶峽州刺史師果敗

久之授工部尚書從天子自華州還以兵部尚書復當國封吳郡公天復初累兼戶部尚書帝自至鳳翔大赦天下諸道皆賜詔獨不及李茂貞扆曰國西鳳翔爲最近迹其罪固不可赦然尚修職貢朝廷未之絕無宜於詔書有以異也始崔胤罷相扆代之胤內怨望及是議以爲陰有黨附貶沂王傅分司東都胤死復授吏部尚書從遷洛柳璨始附朱全忠謀去朝廷衣冠有望者貶扆濮州司戶參軍殺之白馬驛年五十九扆初名允迪後改云

新唐書傳畧

宋

十二人

陳舜俞字令舉湖州烏程人博學強記舉進士又舉制科

第一熙寧三年以屯田員外郎知山陰縣詔俟代還試館職舜俞辭曰爵祿名器砥礪多士宜示以至公烏可要期如付劑契繳中書帖上之青苗法行舜俞不奉令上疏自劾奏上責監南康軍鹽酒稅五年而卒舜俞始嘗棄官歸居秀之白牛村自號白牛居士已而復出遂貶死蘇軾稱其學術才能兼百人之器慨然將以身任天下之事而一斥不復士大夫識與不識皆深悲之云

宋史本傳

按陳舜俞顧陳兩志皆載而史傳稱烏程人棄官歸居秀之白牛村考白牛村乃華亭地舜俞自號白牛居士至今塘市皆沿白牛之名則舜俞自烏程來遷遂定居

華亭子孫家焉與流寓者不同也覽者辨之

朱諤字聖與秀州華亭人初名紱進士第二調忠正軍推官崇寧初由太常丞擢殿中侍御史遷侍御史給事中改今名進御史中丞俄兼侍讀徙兵禮吏三部尚書大觀元年拜右丞相居三月卒年四十贈光祿大夫謚忠靖

宋史本傳

章棗字質夫建州浦城人祖頰為侍御史忤章獻后旨黜

官仁宗欲用之而卒

按陳志本傳云棗父訪若蘇州號曰北章棗監華亭鹽樂其風土因家于

青龍之崧宅顧志亦有宅居青龍之文則訪居蘇棗若青龍皆有據也二志文詳傳後

棗以叔得象

蔭為孟州司戶叅軍應舉入京聞父對獄於魏棄不就試馳往直其寬還試禮部第一擢知陳留縣歷提舉陝西常

平京東轉運判官提點湖北刑獄成都路轉運使入爲考  
功吏部右司員外郎元祐初以直龍圖閣知慶州時朝廷  
戢兵戒邊吏勿妄動且捐葭蘆安疆等四砦予夏使歸其  
永樂之人夏得砦益驕察言夏嗜利畏威不有懲艾邊不  
得休息宜稍取其疆土如古削地之制以固吾圉然後諸  
路出兵擇據要害不一再舉勢將自處矣遂乘便出討以  
致其師夏果入圍環州察先用間知之遣驍將折可適伏  
兵洪德城夏師過之伏兵識其毋梁氏旗幟鼓譟而出斬  
獲甚衆又預毒於牛圈瀦水夏人馬飲者多死召權戶部  
侍郎明年除知同州紹聖初知應天府加集賢殿修撰知

廣州徙江淮發運使哲宗訪以邊事對合旨命知渭州至  
卽上言城胡蘆河川據形勝以偪夏乃以三月及熙河秦  
鳳環慶四路之師陽繕理他堡壁數十所自示其怯或以  
察怯請曰此夏必爭之地夏方營石門峽去我三十里能  
奪而有之乎察又陽謝之陰具板築守戰之備帥四路師  
出胡蘆河川築二城於石門峽江口好水河之陰二旬有  
二日成賜名平夏城靈平砦方興役時夏以其衆來乘察  
迎擊敗之旣而環慶邠延河東熙河皆相繼築城進拓其  
境夏人愕視不敢動夏主遂奉其毋合將數十萬兵圍平  
夏疾攻十餘日建高車臨城填塹而進不能克一夕遁去



親宅宗子博士約深於經學屬辭粹微大爲學者師慕提  
舉福建鹽事召對論內外學正次乞罷內外官到堂日投  
牒求官以厚風俗授秘書省校書郎進著作佐郎徽州司  
錄改通判宿州召拜監察御史靖康初兼權殿中侍御史  
論三鎮不可棄改尚書工部員外郎進左司員外郎父憂  
去官服除以直顯謨閣充御營司參謀官遷太常少卿高  
宗將幸平江約疏言兵可進毋退以示怯於敵乃以直龍  
圖閣知台州未赴徙嚴州兼浙西兵馬都監節制管內軍  
馬當是時金人大入杜充擁衆北去列郡震恐莫有奔問  
官守者約于橫潰中屹保孤城悉力捍禦境內安堵則慨

然上書請糾合諸郡克復吳會上嘉其忠進右文殿修撰  
守郡如故詔以軍興費出無藝吏慢弗虔柳約獨謹賦輸  
率先程督進秩一等又詔約郡當兵衝而能不辭難不避  
事益嚴列柵保綏一方朕甚嘉之其以約充集英殿修撰  
召入對獎勞再三擢權戶部侍郎約於是感激盡言凡例  
外宣索皆執奏不進論吳升等罪未正非所以厲臣節諸  
大將提兵入覲各名其家將有尾大不掉之患皆人不敢  
言者又言軍興科需百出望官戶名田過制者與編戶均  
一科敷請增諸路酒錢其半令提刑司椿管以備軍費皆  
從之會高麗請修貢議遣使報聘上顧廷臣無出約右加

試戶部侍郎充其選且將大用當路忌之諷言者誣以事  
罷爲提舉太平觀居七年復秘閣修撰金人歸侵疆起知  
蔡州被命而往一無顧避旣而金人渝平傳檄河南守臣  
皆舉城降約獨遣使數輩於武昌得報而後返未幾以敷  
文閣待制食祠祿十有五年卒贈四官約天性至孝母病  
甚泣禱於天願損壽以益親壽母尋愈約竟先母兩月卒

宋史  
本傳

衛膚敏字商彥華亭人以上舍生登宣和元年進士第授  
文林郎南京宗子博士尋改教授六年召對改宣教郎秘  
書省校書郎命假給事中賀金主生辰膚敏奏曰彼生辰

後天寧節五日金人未聞入賀而反先之似失國體萬一  
金使不來爲朝廷羞請至燕山候之彼若不來則以幣置  
境上而已帝可其奏旣至燕金賀使果不至遂置幣而返  
七年復假給事中以行及慶源府逢許元宗還語金國事  
曰彼且大入其勢不可往膚敏至燕報愈急衆懼不敢進  
膚敏叱曰吾將君命以行其可止乎旣至金國知其兵已  
舉殊不爲屈及將還金人所荅國書欲以押字代璽膚敏  
力爭曰押字豈所以交鄰國論難往復卒易以璽及受書  
欲令雙跪膚敏曰雙跪乃北朝禮安可令南朝人行之哉  
爭辯踰時卒單跪以受金人積不說中道羈留且半年至

本江戶志 卷之四十一  
涿州新城與幹離不遇遣人約相見拒之不可遂語之曰  
必欲相見其禮當如何曰有例膚敏笑曰例謂趨伏羅拜  
此禮焉可用北朝止一君耳皇子郎君雖貴人臣也一介  
之使雖賤亦人臣也兩國之臣相見而用君臣之禮是北  
朝一國有二君也金人氣折始曰惟所欲膚敏長揖而入  
既坐金人出誓書示之膚敏却不視曰遠使久不聞朝廷  
事此書真偽不可知因論用兵事又以語折之幾復爲所  
留靖康初始還進三官遷吏部員外郎會高麗遣使來賀  
命假太常少卿往接之朝論欲改稱宣問使膚敏曰國家  
厚遇高麗久矣今邊事方作不可遽削其禮失遠人心願

姑仍舊乃復稱接伴使既至明州會京師多難乃便宜稱  
詔厚賜使者遣還建炎元年復命自劾矯制之罪高宗嘉  
賞遷衛尉少卿建議兩河諸郡宜降蠟書許以世襲使各  
堅守陝西山東淮南諸路並令增陴浚隍徙民入城爲清  
野計命大臣留守汴京車駕早幸江寧帝頗納之遷起居  
舍人拜右諫議大夫兼侍讀言行在頗興土木之役非所  
以示四方乞罷築承慶院昇陽宮又奏凡黜陟自中出者  
皆由三省乃得奉行或吳祖宗成憲者皆許執奏時內侍  
李志道以赦恩復保慶軍承宣使添差入內都知膚敏極  
論罷之初欽宗內侍昭慶軍承宣使容機圍城時乞致仕



高宗卽位命起之膚敏言自古帝王未有求闕寺於閑退而用者遂寢后父邢煥除徽猷閣待制太后兄子孟忠厚顯謨閣直學士膚敏言非祖宗法煥尋換武職忠厚自若俄遷膚敏中書舍人膚敏懇奏曰昔司馬光論張方平不當參知政事自御史中丞遷翰林學士光言以臣爲是則方平當罷以臣爲非則臣當貶今兩無所問而遷臣臣所未喻臣雖不肖願附於司馬光又言事母后莫若孝待戚屬莫若恩勸臣下莫若賞今陛下順太母以非法非所謂孝處忠厚以非分非所謂恩不用臣言而遷其官非所謂賞一舉而三失矣帝命宰相諭膚敏曰朝廷以次遷官非

因論事也膚敏猶不拜居家逾月及忠厚改承宣使詔后族勿除從官膚敏始拜命又言中書根本之地舍人所掌不特演綸而已凡命令不合公議者率封還之會膚敏知貢舉有進士何烈對省試策謬稱臣諫官李處遯乞正考官鹵莽之罪以集英殿修撰提舉洞霄宮或謂膚敏在後省論事爲黃潛善汪伯彥所惡故因事斥之三年春召赴行在時帝次平江膚敏入見言及時事泣下帝亦泣曰卿今宜知無不言有請不以時對膚敏曰臣頃嘗三爲陛下言揚州非駐蹕之地乞早幸江寧今錢塘亦非帝王之都宜須事定亟還金陵因陳所以守長江之策帝善其言翌

日再對歸得疾然猶力疾扈蹕至臨安俄除刑部侍郎未  
拜謁告歸華亭就醫許之遷禮部侍郎初膚敏久疾卧舟  
中不能朝時苗劉之變帝未反正宰相朱勝非言於隆祐  
太后以膚敏稱疾坐觀成敗無人臣節及卒始明其非僞  
云年四十九特贈大中大夫子仲英仲傑仲循宋史本傳  
衛仲達初名上達字達可大觀三年登進士第徽宗改今  
名爲館職日嘗上書諫修三山石橋不報後官至吏部尚

書卒

顧志

任盡言字元受右正言伯禹之孫與兄質言同登紹興二  
年進士第居下僚好慷慨論事秦檜死朝廷懲言路壅塞

之弊召湯鵬舉于外爲臺官盡言投啟賀之有每媿朱雲  
之請劍未聞林甫之斲棺之語鵬舉袖以白上上意頗回  
始黜檜姻黨釋趙鼎子汾及李孟堅王之奇等自便公道  
大明盡言之助也嘗通判平江除京西運判改淮東提舉  
欽廟上升盡言率縉紳爲位佛宮致哀疏文二通讀者感  
泣啟與疏岳珂皆載之程史謂其義不忘君直不蔽姦忠  
信之至惜不究其用云所著有小醜集行於世顧志  
錢良臣字友魏華亭人紹興中登進士第孝宗淳熙五年  
自給事中除端明殿學士簽書樞密院十一月除參知政  
事德望端偉爲時所重九年罷政事除資政殿學士在外

官觀十年知鎮江府事職事修舉又除端明殿學士依舊  
知鎮江十二年知建康府兼行宮留守除資政殿學士十  
四年除資政殿大學士依舊知建康十五年八月提舉洞  
霄宮從其請也光宗卽位詔良臣曰卿二府舊臣宜力滋  
多壽皇之所擢任而冲人之所注想者也嘉謨嘉猷奚必  
咨問而後樂告哉十六年十一月卒謚文惠孝宗嘗詢時  
事所陳合上意孝宗褒之曰如卿真所謂通世務之儒遂  
書通儒二字賜之陳志  
景時字秀發華亭人慶元三年知龍泉縣水沴之餘催科  
不迫修學校建譙樓縣倉嘗曰吾於龍泉政事無以踰人

惟不擾二字始終守之

見吉安名宦傳 陳志

蓋經字常父登紹興甲科官至戶部侍郎

顧志

張伯垓字

舊志

登紹興第官至尚書

顧志

許克昌字上達紹興末舉進士名在第一以有官改第二  
累官右正言時松江新涇塘爲海潮衝突鹹水延及嘉湖  
二境克昌請於朝移堰入運港以避潮勢由是三州之田  
獲免鹹潮之患鄉邦德之顧志

朱端常華亭人父繹之乾道二年進士知常州端常博雅  
能文登淳熙進士第嘉定間知延平州政尚寬和祀延平  
名宦又與同郡胡林卿林至同修雲間志歷官尚書

陳志

衛涇字清叔其先齊人唐末避亂南遷居秀州之華亭祖  
闐始占籍崑山之石浦父季敏通判鎮江府涇少有志操  
入行在從永嘉李去智學李卒爲制服執喪人咸義之淳  
熙十一年孝宗擢涇進士第一比唱名御筆殿試上三名  
欲觀其政事特與添差差遣仍釐務授承事郎添差鎮東  
軍簽判涇以對策嘗陳添差之敝三上表乞待次上以涇  
力踐所言知重始進特從其請故事狀元初任垂滿必通  
謝於宰執始頒召命時王淮秉政涇不通謝雖被召三月  
不得引見十四年除秘書省正字輪對言陛下卽位之初  
銳意事功不次而用將相痛憤而圖恢復二十六年之久

無一事少稱陛下意者而陛下大有爲之意亦少弛矣一  
祖八宗之業太上皇付托之重子孫億萬年之基緒陛下  
一身任之豈可僅取苟安無事而遂已耶庸常之材持祿  
保身而風俗日壞士氣日卑民生日困臣恐天下之患將  
有出於意慮之外者事幾易失時不再來願陛下堅自彊  
之志振綱維以張國勢作氣節以厲偷情則靜可以彊根  
本動可以復土疆而事功立矣光宗初立政尚循謹涇以  
著作佐郎賜對言今日風俗頹靡百度縱弛人才削弱國  
勢未張汲汲有爲尚恐不濟若猶因循其敝將至于不可  
爲者矣又言中國名爲息兵實則觀釁復讐之本直須時

耳今自紹興來五十年無大戰自隆興來三十年無小關  
間隙之生遠不過五六年願陛下奮發英斷規恢遠圖卧  
薪嘗膽不忘北鄉又言自陛下踐祚臺諫給舍多不得其  
職今日士氣向衰風采銷落陛下所當長養振作而反陰  
銷沮之將使羣臣上懼陛下之威命下虞羣小之中傷苟  
且成風諂諛充位脫有大姦巨害誰爲陛下言者紹熙元  
年遷著作郎兼司封郎官二年正月震電雨霜大雪繼作  
涇應詔上封事言雷陽也雪陰也陽氣方升而陰制之此  
雪所以降也以象類而求則君欺於臣夫陵於妻小人害  
君子皆陰勝陽之證也有一於此皆能致亂陛下不可不

預防也時佞倖漸肆李后悍妬故涇以爲言出爲淮東浙  
東兩路提舉慶元初召爲尚書右司郎官論壽皇孝養禮  
曠以爲太上之於陛下親父子也天性之愛血氣之屬慈  
孝之親宜無毫髮疑問雖太上疾勢未平語言舉動若未  
容於進見者然陛下孝心純篤豈以吾親之不可見而遂  
已乎願陛下兢業於中以親之未順爲憂以期於見親爲  
念積此誠意庶幾太上之懽心可得矣三年以起居舍人  
假工部尚書使金初涇之往寧宗諭使覘國有乘釁之意  
涇深懼其輕動還奏一弱敵滅一強敵生無以金之危忘  
爲喜除直煥章閣知慶元府沿海制置使以言者論罷是

時權姦用事涇斥去十年不調于里中闢西園名其堂曰  
後樂開禧元年得旨入朝明年除中書舍人兼直學士院  
應論北伐非計不聽三年白吏部尚書拜御史中丞請誅  
姦臣韓侂胄論罷右丞相陳自強拜參知政事封崑山縣  
開國伯嘉定初兼太子賓客始侂胄之誅涇功居多繼又  
患史彌遠有專恣之漸欲去之彌遠爲景獻舊學知涇謀  
風御史劾罷之五年知潭州八年知隆興府上以涇三世  
同居有堂曰友順御書二大字太子亦爲書後樂堂榜賜  
之九年知揚州十七年除資政殿學士金紫光祿大夫致  
仕進封吳郡開國伯寶慶二年卒理宗輟視朝一日特贈

太師追封秦國公賜謚文節涇歷仕三朝出入內外四十  
餘年憂國忘家始終一節而謀深慮遠不徼近功其進退  
之際不與時升降在朝孤立自守不畏彊禦薦進搜舉汲  
汲如不及在潭時與朱熹交好侂胄指熹爲僞學斥之侂  
胄旣死涇奏召熹還朝而熹已卒復移文新安取熹諸經  
四書傳註刊刻以傳又請爲右文殿修撰張栻賜謚所著  
文五十卷曰後樂集弟湜字正叔好古博學除太府寺丞  
將作少監皆不赴嘗集禮記諸家傳註爲一百六十卷名  
曰禮記集說寶慶三年上之終朝散大夫直寶謨閣知袁

州學者稱爲櫟齋先生

顧志

雲間舊志云衛文節公生於蕭塘今爲崇福寺又崇福寺記云涇以故第益之然則徙於崑山僅同寄籍而涇之生長固在華亭矣

陳志

元十四人

王泰來字復元其先大名人宋文正公旦之後五世祖太常少卿逖避難渡江居金陵再徙華亭故爲華亭人泰來性剛狷少習舉子業由鄉貢入太學棄去放浪江湖間所至人遮致之江西帥盧鉞事泰來以師禮未幾復棄去至元中再徵不起二十二年侍御史程鉅夫奉旨召二人其一泰來也見上權甚館於集賢召前論事每深語薄夜半

命中使及衛士炳炬導歸以爲常同召者葉李拜尚書左丞將授泰來官與葉語一不慝卽拂袖起曰無辱我乞歸得請泰來早以詩鳴寶祐開慶間有集行於時至是裒益總若干卷卒年七十三子謙字一初能世其學至正間出爲鎮江路總管尋授嘉議大夫寶慶路總管致仕

顧志

費察字子壽湖州長興人徙嘉興再遷上海宋末以策干兩淮制置使補進勇副尉轉武節郎泰州指使慶元路巡檢浙西路分省本路鈐轄權提舉上海市舶元初授武德將軍金牌千戶措置上海市舶居二十年遷宣武將軍管軍總管兼鎮守上海總管府事沿海民船無所統或流入

盜賊察請錄爲戶蠲其徭役而官領之可得海船數千稍  
水數萬備國用乃賜虎符授明威將軍管領海船萬戶任  
其事踰年丐閒遷懷遠大將軍遙授浙東宣慰使卒贈護  
軍鎮國上將軍江夏郡公福建宣慰使都元帥謚榮敏察  
器局寬整倜儻而篤厚賓禮名士輕財樂施稅司重估苛  
取市區晝閉察請依額抱辨且用三十稅一之法不足則  
補以私錢戊子水後官計口賦鹽察曰餽粥不給何有於  
鹽先以鈔輸官徐取鹽付列肆願買者聽勿彊酒課不均  
民破產察請以田業爲斷貧下戶悉除之隣境牒惡民相  
讐殺將獮雉之察請招收從征日本使自贖數千人得不

死卒之日鄉人皆罷市往哭子拱辰武德將軍平江等處

運糧萬戶上海初建學拱辰實爲之經理云

顧志

羅璧字仲玉鎮江人父大義爲宋將璧年十三而孤長從  
朱禩孫入蜀累官武翼大夫利州西路馬步軍副總管禩  
孫移荆湖璧從之至江陵右丞阿里海牙領軍下江陵璧  
從禩孫降授宣武將軍管軍千戶隸丞相阿朮麾下招收  
淮軍討欵寇有功領本州安撫事至元五年從元帥張弘  
範定江南賜金符陞明威將軍管軍總管鎮金山居四年  
徙鎮上海督造海舟六十艘二月而畢至元十二年始運  
江南糧而河運弗便十九年用丞相伯顏言初通海道漕



運抵直沽以達京城立運糧萬戶三而以璧與朱清張瑄爲之乃首部漕舟由海洋抵楊村不數十日入京師賜金虎符進懷遠大將軍管軍萬戶兼管海道運糧二十四年乃顏叛璧以漕舟至遼陽浮海抵錦州小凌河至廣寧十寨諸軍賴以濟加昭勇大將軍二十五年督漕至直沽倉潞河決水溢幾及倉壁樹柵率所部畚土築堤捍之陞昭毅大將軍同知淮西道宣慰司事請兩淮荒閑之田給貧民耕墾三年而後量收其入從之歲得粟數十萬斛陞鎮國上將軍海北海南道宣慰使都元帥大德三年除饒州總管改廣東道宣慰使都元帥山海獠夷不沾王化負固

反側乃誘致諸洞蠻部酋長假以官位曉以禍福由是咸率衆以歸除都水監改正奉大夫通州復多水患鑿二渠以分水勢又浚阜通河而廣之歲增漕六十餘萬石奉命括兩淮屯田得疾卒年六十六子坤載元史本傳

按顧志載羅璧傳授總管鎮上海因家華亭必有所據今仍之

衛謙字有山尚書仲達六世孫宗武子登進士第調丞永嘉未行元師及境樞密董公與語奇之版授漳州龍溪尹辭不就鹽丁楊甲以妖煽衆掠海上分守千戶沙全疑邑民反側將弁殲之謙亟詣全開警事遂寢陞溫州路治中

復辭同邑錢參政孫女賣謙家爲婢已而知之命家媪致  
養三年以奩具嫁之與翰林鄧文原趙孟頫郡守張之翰  
爲文字交有讀易管見三十卷陳志

祝峒字秀巖松江人大德間爲海道都漕運萬戶府經歷  
陞平江路總管峒爲人英拔豪邁篇翰清美同介瑛學易  
講治甚精所交多一時名俊與趙孟頫朱德潤相善卒於

官子孫遂家於吳中

陳志

石國英號月澗本宿州人爲宣慰招討使有惠政宦於浙

遂家華亭孫瓊爲松江萬戶

陳志

瞿霆發字聲父其先汴人扈宋南渡居上海父君用承信

郎霆發幼穎悟一覽成誦才氣不群元兵次臨安遊騎及  
境霆發年二十六挺身兵間率衆歸附一境賴以全命爲  
下沙鹽場副使擢進義校尉同提舉上海市舶秩滿召見  
授承務郎兩浙運司副使海潮壞鹽場死者萬計霆發傾  
力救之流亡復還鹽事以集仁宗時居潛召對稱旨請以  
爲集賢學士避不敢當授兩浙都轉運鹽使以捕蝗功改  
少中大夫真拜運使浙東饑荒霆發稽戶數第物力而均  
之課更以最聞召見使未至而卒霆發事母孝喜賓客樂  
賑施西湖書院上海縣學割田以資之鄉隣貸貫不償不  
責也

顧志

任仁發字子明號月山道人世居青龍年十八中鄉試元  
兵南下平章游公見而器之委招安海島引為青龍水陸  
巡警官累遷貳都水監府境開江置閘凡水議皆仁發主  
之大都通惠河楊隱閘奔覆會通河淺澁汴梁黃河浸歸  
德府杭之鹽官海塘崩陷仁發皆嘗治之具有蹟效任守  
宰民多立祠祀之尤善繪事嘗奉旨入內畫渥洼天馬圖  
寵賚甚厚後以中憲大夫浙東道宣慰副使致仕所著水  
利書十卷行於世子三賢材考城令賢能涇令賢佐南陵  
令今人稱畫馬曰任水監蓋以藝掩其能云顧志  
陳明字彥古上海人湖廣等處泉貨少監勇之子仕至中

議大夫同知贛州路總管府事請老授嘉議大夫揚州路  
總管致仕卒贈嘉興路總管賜爵潁川郡侯顧志

王德章其先金陵人占籍華亭任崇德州都目公正廉明  
邑人三為立碑以頌德孫濬永樂中任禮部主事奉命至  
太倉封西洋裁抑冗費民以不擾陞郎中卒顧志

蔡廷秀字君美松江人由郡諸生試吏調江陰累陞浙省  
理問所知事袁州推官用中書左丞薦擢江西省簡校命  
下已遇害袁州平生博學器識沉毅宿儒先德並友重焉

陳志

按廷秀死王逢作挽辭悼之辭見逢集

錢璧郡人端重清慎中至治壬申科進士嘗納一女奴其妻勸璧納爲妾正色荅曰我置此欲以待巾櫛耳卽具資嫁之果處子也陶宗儀蚤歲嘗從受業終身尊事之

陳志

趙廷芝華亭人第進士調歸安縣丞元世南人登進士自

廷芝始

陳志

潘世英字積中華亭人用御史薦隨牒至閩南會汀寇林頑斷官道蹂鹽塲煽毒齊民世英悉釋其誑誤復業者一千三十戶與化賊起帥府分遣本道督捕選世英從官軍有戮平民冒功者世英曰民苦脅從非本心也請帥抵賊壘反覆慰喻皆感泣縛其渠魁以降復業者一千五百戶

初江淮賊起分兵守關世英實董之左丞老老鎮江東遣使起關上兵使者露刃以脅之世英曰我受命守關兵一轉足則閩危矣使者厲聲曰汝不畏死耶世英張髯引頸曰頭可與兵不可與使者還白左丞嘆異久之已而餘寇復至同安募義兵航海忽安溪賊掠縣境突入縣廨世英坐不起罵賊不絕口遇害歸柩於干山

陳志

松江府志卷之四十一

終

松江府志卷之四十一

名臣

明九十二人

全思誠字希賢上海人博學能詩文洪武初以老儒召為

文華殿大學士兼左中允敕賜致仕

顧志 大雅 集稱華亭人

洪武十六年夏四月戊子賜文華殿大學士兼左中允全思誠致仕歸鄉里敕曰朕觀古人其有志之士雖髮白氣衰而心猶不怠故能善其終始使名垂古冊光照後世卿懷才抱德肩古志人惜乎以衰老之年志雖存而力不能任朕不忍復勞特令卿還鄉里以撫子孫享其奉養不亦悅乎 實錄

袁凱字景文其先蜀人占籍華亭父介字可潛元末為府

掾以詩名吳中凱長身古貌言議英發尤長於詩洪武中

爲御史故老相傳上一日錄囚畢令凱送東宮覆審遞減之凱還復命問朕與東宮孰是凱頓首曰陛下法之正東宮心之慈後以疾罷歸卒所著有在野集朱應祥爲之序

洪武三年監察御史袁凱言國家盪平四方固資將帥之力今天下已定將帥多在京師其精悍雄傑之士智雖有餘而於君臣之禮恐未悉究臣願於都督府迎致通經學古之士或五人或三人於諸將朔望早朝後俱赴都堂聽講經史庶幾忠君愛國之心全身保家之道油然而生天生人材無非爲天下國家計羣小有犯固在不赦至於老成長者或有過誤宜加矜恕養其廉恥以收他日之功則人材輩出矣上嘉納之遂赦省臺延聘儒士於午門番直與諸將說書 實錄

王公亮華亭人洪武中爲吏科給事中陞應天府丞上卽位上永樂也陞四川右布政使後調廣東公亮體貌豐偉儀度

閑雅居官簡靜知大體所至廉重愷梯人皆悅服永樂二

十年卒實錄

任勉之字近思其先四明人元松鄉先生士林子耜爲兩浙鹽運照磨始占籍華亭勉之登洪武甲戌進士出知饒州府鄱陽縣令有不便者或爲匿名書詆之下令俾勿壞曰告我以過是忠於我也寡婦愬夫兄弟育已判其衫背曰餓死事極小失節事極大婦感其言卒不嫁由是邑中風動稱爲賢鄱故大邑前令叢脞事劇甚勉之立簿書俾民自爲約次第舉行秩滿陞知瀘州鄱民詣闕請留陞其府同知薦爲福建右參政左遷右軍都督府經歷出知徽

州府以事謫滄州泰然自處不廢著述尋起知蔚州改睢  
州致仕卒年八十九勉之豪邁英偉長身玉立音如洪鐘  
雖造次語言皆可錄或問郡守某何如人曰有治民之才  
無養民之心時以爲確論爲文辭似楊鐵崖書學米南宮  
永樂宣正間論文章政事以勉之爲稱首云所著有薇菴  
集若干卷一子肅蚤夭以弟子弘爲後孫順世其學以國  
子助教陞涇府右長史

顧志

陳禎字景祺華亭人宋康肅公十四世孫也洪武中以稅  
戶子弟舉爲禮部主事有能聲上器之俾攝部事諭之曰  
卿見事敏四司之事宜悉知之禎益謹飭不敢怠坐齊麟

事謫戍金齒未幾召還授五軍斷事丁家艱起復上疏乞  
終制服闋陞主客員外郎出知湖廣襄陽府時荆土蝗獨  
不入禎境永樂初爲鴻臚少卿治東吳水陞河南右參政  
黃河決勞來有方民不失業盜發汝寧將窺汴以計離其  
黨與降其首張子誠等於均山賜敕獎勞秩滿乞祭掃陞  
辭謫知交趾丘溫縣時方暑南中瘴癘或勸使緩行曰死  
生命也何瘴癘爲至縣一月卒年五十上聞而惜之後八  
年其友胡士文請於掌交趾藩臬事尙書黃公福始獲以  
其喪歸禎平居嘗曰人惟仰不愧俯不怍而已身之利否  
何計焉其行事類此四子謨詢誥諫

顧志

杜隰字宗原祁國十一世孫祖元芳元德清簿父希仲水  
軍萬戶俱有文名隰好學持正洪武初中詞科爲太常贊  
禮郎時麓川平緬未下議遣使宣諭而難其人有以隰名  
聞者召對授旨賜襲衣囊藥力士重譯爲价以行至詰其  
不庭卒以其人入貢上嘉獎授禮科給事中以疾辭歸凡  
兩賜手書存問卒年三十三所著有雙清集十卷紀行詩  
一卷弟桓善論時事亦能詩有九峯一叟稿顧志  
李至剛華亭人初名銅以字行洪武戊辰舉明經奉命侍  
懿文太子授祠部試郎中坐累戍邊尋召還爲虞部郎中  
陞河南右參議會河決汴隄建議假王府積木作筏濟之

人賴全活甚衆調湖廣參議太宗入正大統大臣薦其才  
以爲右通政是冬陞禮部尙書永樂二年春立皇太子命  
兼左春坊大學士爲侍郎宋禮所間降儀制郎中與解縉  
素厚縉旣遭讒人有言其怨望者詔下獄弁逮至剛仁廟  
嗣位念其老擇近郡優之改知興化有惠政再歲歿於官  
年七十次子源永樂甲辰進士楊士奇表其墓陳志

永樂元年正月禮部尙書李至剛等言北平布政司實  
興王之地宜遵太祖中都之制立爲京都制曰可其以  
北平爲北京一二月禮部尙書李至剛上言興利除害  
必開言路昔高皇帝聽納無遺三十年間化行俗美皇



上即位以來悉遵成憲博采羣謀然無知小人往往假此為名或搜求細事箝制諸司或懷挾私仇陷害良善或馳騁小才希求進用雖稱興利除害其實假公營利宜榜示天下果有益國便民之事雖百工技藝之人皆許其實陳奏若官吏貪污顛倒曲直酷虐良善及婚姻田土軍役等事必令自下而上陳告若有假以實封建言越赴朝廷者治以重罪上可之二十二年八月以李至剛為通政司左通政至剛繫錦衣衛獄十餘年及是遇赦上閱其舊人復用之實錄

按李宗伯不為公論所推然建都之疏彷彿婁敬請禁

越奏亦張釋之之遺意也又永樂未曾赦罪復用洪熙初坐事奪官後乃起知興化而陳志皆遺之今并載焉

王鐘字公篋華亭人洪武中起家為掾坐事戍遼東用薦授行太僕寺典簿進燕府紀善上南向上永樂也鐘侍世子守北京恭慎小心夙夜不懈甚為世子所重永樂元年陞北京刑部郎中戶部右侍郎鐘為人端厚沉靜從容詳雅臨事無留滯僚吏多服其能七年八月卒實錄

洪熙元年上思舊勞贈太子太保謚僖敏顧志

陳詢字汝同華亭人父禎仕至河南參政詢由進士為翰林院庶吉士以才氣自負久不得遷時同鄉沈度為學士



諷詢少貶損詢面斥度太宗聞之嘉其剛直尋擢編修侍  
皇太孫宣德間陞修撰上初啟經筵上正統也詢爲講官纂修

宣宗實錄成陞侍讀秩滿陞侍講學士坐累黜知安陸州

正統己巳召爲大理寺少卿巡撫大名諸府景泰初改太

常寺少卿兼翰林院侍講學士經筵講讀尋改國子監祭

酒天順二年致仕卒于家上命有司致祭詢性剛直言論

慷慨三爲鄉試考官人無異議平生所作詩文不留稿善

草書興至輒染翰揮灑云實錄

詢性峭直寡言笑飲酒能多而不亂在官處僚友和而

不同正統中中官王振怙寵劉忠愍李文毅忤之皆得

禍詢絕不與通振銜之故有安陸之謫方是時詢直聲

動天下人皆爲危之而詢怡然不以爲意也編修梁誼

病語家人曰朋游中惟陳汝同可託子女詢聞而諾焉

及誼卒爲經紀其家嫁其女得松人黃瑜後參福建政

竟以梁之喪歸其鄉其篤於友誼如此爲文章清勁有

氣骨類其爲人壬考兩畿判國子獎拔士類甚衆若嚴

銓丘濬楊繼宗彭韶施槃輩後皆爲名臣顧志

沈度字民則華亭人初以善書被薦入翰林授典籍太宗

覽度書獨稱善凡一時大制作必命度書之隸書有古意

日侍清密賞賚甚厚後以其弟與子皆善書皆官之近侍

度承顧問必以正對累陞至侍講學士宣德初進翰林學士年踰七十再上章乞致仕不聽九年十月卒遣官祭命有司營葬度事親孝與弟友愛甚篤為人貞靜不苟初入翰林鄉人李至剛為禮部尚書得君朝士希進者奔走其門度雖故舊未嘗輕造士論高之度閒暇閉戶焚香鳴琴賦詩以自樂云

實錄

永樂以來度祭並在禁林最承恩遇而伯仲同屈友弟無間縉紳以為莫及祭尤端厚謙抑好獎予後進至今館閣猶稱為二沈云度子藻亦善書以蔭為中書舍人至禮部員外郎致仕

顧志

沈粲字民望度之弟官翰林侍讀右春坊右庶子大理寺少卿傳見文苑中

何廣字公遠華亭人後遷上海以明經為江西北上饒令尋遷御史至陝西按察副使精於律學嘗變亂成法者當大辟法家因仍凡一政令改易輒以傳議廣曰嘻若是則大辟者踵接矣此但為改律令者言也學士解縉覽而是之及卒俞允狀其行曰居鄉里則稱學者任郡邑則為循吏在風憲有澄清志位藩垣得大臣體時以為實錄所著有律解辨疑行於世

陳志

石璞華亭人永樂中舉人任陝西按察使剖決如流吏民

長服得憲臣體顧志

夏禮字公立上海人洪武中入太學拜御史有直聲高皇帝爲開其軍伍嘗上疏劾勲貴忤旨出爲知縣奏減各處均輸商稅從之永樂初以薦爲御史陞河南按察副史謫戍武清文皇北巡召爲御史使至南京值閘壩水溢漂居民亟令有司疏泄上聞而是之復以薦爲陝西按察副使積歲疑獄一言而決以內艱去陝西數千人詣闕請留還任卒於官顧志

衛青華亭人父炳當元季應募隸水軍萬戶府太祖受命杖劍來歸從征討未嘗妄殺一人有功輒以讓同列竟終行伍青狀貌雄偉倜儻有氣槩勇而善謀洪武末以總旗授薊州衛百戶累陞山東都指揮僉事備倭海上永樂中蒲臺妖婦唐賽兒自稱佛母誘愚民爲亂攻安丘甚急青聞率千騎晝夜兼行至城下擊破之殺二千餘人生擒四千人時城中已不支衆謂青至稍緩城必陷已而安遠侯柳升至怒其不待已粹辱之青不爲屈事聞上切責升降敕褒美曰衛青進不求名退不避罪惟民是保雖古名將何以加焉陞都指揮使正統初進右軍都督僉事仍備倭六月以旱蝗出禱得疾上聞遣醫療之未至二日卒葬濟南歷城之鵲華鄉青幼時嘗牧羊馬嗜寺前有道士見而

松江府志 卷之四十一  
奇之撫其頂曰兒他日腰金衣紫聞者皆笑至是果然及卒登萊人爲立廟海上祀之甚嚴或見其絳袍白馬出入廟中云有子十一人長願襲濟南衛指揮使早卒無子次頽嗣以功封宣城伯餘分處濟南登萊留華亭者行第九日顯云陳志  
楊珙字廷瑞上海人官翰林院編修傳見獨行中  
葉宗行字宗行華亭人宋太學生李之後讀書尚氣節永樂中東吳大水松江尤甚葢黃浦壅塞水無所歸宗行上書請棄其故道濬范家浜引浦水以歸于海禁近海民無私作壩以遏其流上善其言命從夏尙書原吉來治之水

患果息原吉還朝薦其才擢知錢塘縣錢塘劇邑民困於徭賦宗行爲定役法俾民自占甲乙書于冊循次而呼之役遂以均詞訟亦簡不逾年翕然稱治一日廳事前有蛇蜿蜒若有所訴宗行諭之曰若豈有冤乎吾爲汝驗之蛇返入餅肆中爐下發之得歾屍乃肆主人利其財殺之埋此遂伏誅又嘗江行忽舟重不能進視之一死人掛于柁腰下有石乃里中人殺而沈之者亦伏誅縣故多虎暴宗行爲文祭之虎遂斂迹仁宗在東宮聞其治行戒所司不得凌辱按察使周新風采嚴峻尤重之嘗候宗行出潛至其舍視室中惟笠澤銀魚乾一裹新歎息攜少許而去明

日召以食曰此君家物也飲之至醉出三品儀仗導之歸宗行辭不許曰此位可至奚辭為時呼為錢塘一葉清會朝廷大營建宗行率兩浙工匠赴北京道病卒新泣思累日自為文以祭錢塘人至今稱之謂不愧古循吏云

顧志實

緣有傳與志畧同故不重載

張昕字賓賜以字行宋宰相商英之後先世自杭徙華亭賓賜少穎悟孫大雅王叔明一見異之永樂初尚書夏原吉治水松江舉賓賜自輔建議疏范家泖與葉宗行合原吉從之一境蒙利以薦授戶部主事陞員外郎通政趙居任治水浙西民苦其煩苛仁宗覽國命賓賜副之時已七

月居任猶役民晝夜車水賓賜言農事已不及徒勞無益即日散遣之民皆感悅家素豐在官不受俸既致仕家居以救恤為事鄉人至今稱之

顧志

夏衡字以平官太常寺卿傳見藝術中

馬麟華亭人永樂中以人材超拜布政使居官二十年民安之正統九年以老病乞致仕卒

實錄

黃翰字汝申華亭人永樂壬辰進士授江西按察僉事宣德庚戌陞參議奉璽書與都御史賈諒巡撫江西改參廣東陞山東按察使罷歸卒翰為人豪傑多權畧始冠擢第觀政都察院有疑獄一問即決爰辭如老吏臺中皆驚居

松江府志 卷之四十一  
官所至能舉職江西人以妖術惑眾廣東畜蠱毒採生殺  
人皆捕誅之仍刻石著蠱毒方及所以解之者自是術不  
得行俗爲一變然負其才氣不能就矩矱既失官家居頗  
自恣常乘白騾入城市見者皆歛避焉詩文豪健敏捷操  
筆立就未嘗起草字畫亦道勁行草題署得名

顧志

王琬華亭人以楷書起家除北通州知州有惠政成祖北  
伐撤民間門扉渡軍及凱還叩馬爲民請償上義之弗責  
也

陳志

陳敏永樂中以能書徵除知四川茂州州境番民雜處素  
難治敏宣布德意莫不感化秩滿州人請留陞四川左參

政仍掌州事卒民立祠祀之

陳志

李源字士徵至剛仲子永樂甲辰進士時仁廟念至剛宮  
僚舊臣命守興化以優餘年源請隨侍人咸榮之同年林  
暉在興化病卒源親視殯殮擇地以葬撫其遺孤澄以至  
成立父歿授驗封主事歷員外郎陞浙江參議分守金華  
閩賊起處婺間勢張甚源率二子楷槩及家人悉出行陣  
擒斬甚衆爲御史李俊中傷被黜朝廷思源功賜文綺寶  
楮命禮部司務何懷齋至家起陝西參議陞參政專理軍  
務勞瘁遘疾卒

陳志

蔣性中字用和其先華亭人後徙上海宣德丁未進士以

林江府志 卷之四十一  
疾告歸有司舉故事爲立表於門時嚶竇湖病涉久性中  
曰榮吾家曷若以利吾鄉乎卽移所費爲石梁于湖上往  
來便之除兵科給事中議節冗食以養驍勇陞江西右參  
議論蠲賦當均及一方不當私一邑時皆從之以疾乞致  
仕章四上乃許性中幼端恪旣擢第家居常躬耕以養母  
杜門卻掃不以私干人尤爲巡撫周文襄公所重晚益恭  
慎時稱篤行君子云顧志  
陳質字文彬上海人永樂甲辰進士拜御史風操凜然論  
事斷獄雖權貴莫敢屈嘗從靖遠伯王驥統兵勦苗參預  
軍謀陞山東參政致仕居官四十年清謹如一日家居杜

絕請託親舊不敢有所干卒年七十五

陳志

李伯璵字君美上海人宣德丙午鄉薦歷桐廬山陰訓導  
秀水安福教諭桐廬累舉缺人伯璵至識姚文敏公夔于  
少年曰一夔足矣授以春秋未幾夔擢第山陰學或傳不  
利科目請徙之伯璵曰顧師弟子教學何如耳卒不徙後  
仕者相繼陞淮府長史從王入覲左右請他求伯璵不可  
曰君臣之間有賜無求求則瀆瀆則不敬府使人入貢道  
與一縣令構爭詔下令於獄而釋使者不問伯璵請治之  
以戒生事官校有犯王械寘于市伯璵請論如律王有疾  
左右請施僧祈福伯璵謂不若貸丁役錢以甦衛士從之



卒年六十八子澄清並登進士澄字希范終福建左參議  
恬靜有守不競榮利有古人風清別有傳第八子深字希  
達少有雋才讀書通音律淮王愛之具疏納爲儀賓太后  
特召入京厚賚賜婚異典也

陳志

張璠字端玉其先揚州人隨宋南渡徙華亭璠自幼刻志  
問學宣德癸丑以進士乙榜授山東黃縣學訓導躬踐履  
以率之黃士成名者甚衆陞淮府紀善以子瑩貴封監察  
御史進都察院右副都御史卒贈太子少保刑部尙書璠  
事親孝居喪盡禮蔬食者六年所居近墓旦夕常至墓所  
拜跪涕泣聞者感動家居二十年非公事不入城府瑩按

察江西拔安福令於冤獄令以銀三百兩託鄉人爲璠壽

璠卻之士論高之

顧志

錢溥字原溥華亭人正統四年進士試薔薇露詩大見稱  
賞特授翰林院檢討景泰三年陞左贊善兼檢討七年修  
寰宇通志陞左諭德兼編修天順元年改尙寶司少卿兼  
官如故俄陞侍讀學士修大明一統志充副總裁六年頒  
詔安南充正使貽書與其王論郊迎禮甚悉八年坐累降  
廣東順德知縣成化二年詔復舊官閑任俄起掌南京翰  
林院事十二年陞南京吏部左侍郎後進尙書致仕弘治

元年卒賜祭葬如例謚文通

實錄

溥少有文名既擢第聲譽勃起嘗上書楊文貞公論學  
文貞避之居父憂與巡撫周文襄公論便民條約復移  
書侍郎李公論積荒召佃煎鹽水次倉四事多見施行  
在順德釋繫囚撫流民尤多善政英宗復位大臣多受  
賞溥言于兵部尙書陳汝言曰當時非皇太后手詔則  
曹石二人焉敢提兵入禁宜以功歸諸太后上尊號爲  
宜汝言入言之上卽舉行已而問知出於溥也故有學  
士之命使安南與禮部論移文不當與內臣同行禮又  
與內臣書論詔敕開讀先後之序至安南與王論郊迎  
禮儀王辭屈悉從之瀕行贐以金不受至遣陪臣入奏

乃以上命受之時以爲得體前後五典文衡門生滿天  
下文章瞻蔚至老猶不衰四方求請者相屬善交際見  
者無貴賤皆得其歡心故人尤傾慕之

公卒時年八十一  
顧志

衛頴字源正

都督青  
仲子

豐順廣頴語音如鐘代兄頴爲指揮

使選督山東漕運領京營操以勇幹聞正統己巳之變從  
山東入勤王建議募勇士收散亡調各都司兵實京城修  
沿邊關隘爲戰守計意氣慷慨人倚以安由署都指揮僉  
事進都督僉事十月也先入寇頴率兵邀擊於黃花鎮連  
戰西直門又尾擊之于紫荆關以功多陞都督同知充總  
兵官出守宣府還督京營兵英宗復辟陞左都督十一月

錄功封奉天翊衛宣力武臣在國宣城伯食祿一千一百石賜鐵券子孫世襲尋充總兵官挂平羗將軍印守甘肅時羗謀入寇衆議持重待之頴奮然勒兵而出連十二戰大破之辛巳六月敗西番於涼州都督毛忠被圍賊勢盛監軍以下皆震恐頴曰安有賊困吾師而不救者冒矢石而前賊披靡不敢近卒全師歸甲申番族把沙作亂頴率兵深入斬獲無算憲宗卽位召還丙戌錄功加祿米一百石丁亥挂征口前將軍印鎮遼東女直毛憐犯邊頴據險設伏連敗之獲馬牛畜產并掠去子女甚衆以疾乞歸命守備鳳陽改南京連上疏請老詔還京俾食其全祿以伯

歸第頴天性明達篤於倫理甫冠都督公卒哭泣幾喪明撫其孤弟姪及羣從子弟皆有恩意家在松江都督公葬歷城每遇二邦人存問故舊敘述平生極其欵曲曰吾老矣水木本源之意吾後人安知旣謝事故時部曲率爲顯官歲時候問皆拜於牀下頴以子弟撫之忠勇之性老而彌篤一日邊報急廷議出師而將臣有稱疾者頴喟然謂坐客曰上寬恩至矣客問卽真病奈何曰死於塗可也聞者壯之弘治十一年卒年八十八追封宣城侯謚曰壯勇

顧志

張瑩字廷器華亭人正統十三年進士景泰初授監察御

史密雲有譎言不軌者受密命往察因撫定之風裁頗著  
歷陞江西按察司副使按察使陝西右布政使都察院右  
副都御史巡撫寧夏丁父憂起復巡撫河間諸府改大同  
召為刑部右侍郎尋轉左進尚書加太子少保丁母憂服  
闋起為南京兵部尚書參贊機務弘治六年卒年七十二  
訃聞贈榮祿大夫太子太保謚莊簡賜祭葬瑩性寬簡所  
歷能舉其職且謙退不以富貴加人故人無怨之者實錄  
瑩長髯偉幹襟量坦夷與人無矯飾更三朝四十有六  
年凡所設施以重厚持之老而不變時以為難性尤篤  
孝為都御史居父喪時年已高旦夕饋奠必親執奠已

跪而哭至輟乃已如是者終三年無少變為尚書喪母  
亦然與弟鑿友愛深至或有間輒持之以泣故終身無

異辭顧志

錢博字原博溥弟正統辛酉應天解元乙丑進士授南京  
刑部主事獄疫博素知醫手調藥治之囚賴以全進員外  
郎中擢四川按察克振風紀構蜚語被逮事白復官南還  
次魯橋卒在刑曹前後十餘年多所全活攻古文詞善楷  
書行草旁通醫卜陰陽諸書好急人患難人樂與交焉陳志  
袁愷字舜舉其先安丘人占籍華亭愷少貧獨學時出事  
賈販不為人知年二十七始棄去勵志讀書景泰辛未登

進士授刑部主事陞江西僉事改廣東所至有聲江西賊  
圍西貴縣長州村愷率兵往捕時賊勢方熾或請宜少退  
愷下馬叱使進攻克之巡撫葉文莊知其才委調狼山兵  
懾不敢肆又率偏師駐全州督餉贊畫梧州都御史韓雍  
征大藤峽愷躬擐甲胄矢石以從賊平錄功有寶鈔文  
綺之賜擢廣東按察使進右布政使遷雲南左布政使未  
至卒愷居官廉慎出仕三十年家無餘積卒之日橐中蕭  
然居鄉出入乘小舟從一二蒼頭見者不知其貴人也子  
珮孫讚皆以能書授中書舍人

陳志

侯蓋字進忠華亭人景泰末以鄉貢試吏部尙書王文端

公奇其文擢真第一授襄陽府同知改處州屬邑龍泉慶  
元民盜鑛阻山爲亂中官盧永議發兵勦之蓋言人貧而  
竊鑛爲亂非本情卽躬詣其地諭以禍福民感激散去全  
活者甚衆陞河東鹽運同知鹽池故無垣亾賴子聚衆殺  
劫有司莫能制蓋條陳禁革疏通十餘策報下行之盜賊  
遂息天雨鹽池溢蓋致齋三日遂霽而池外十餘里雨如  
故人以爲誠感子方直皆第進士方字公矩有文名終湖  
廣僉事直廣西參議

顧志

夏寅字時正後改字正夫華亭人幼而岐嶷日記數百言  
稍長益肆力於學正統戊辰進士景泰初除南京吏部主

事日取羣經及百家言讀之久之發爲文章淵閎奧密脫去流俗自成一機杼聲稱蔚然由稽勳郎中拜江西按察副使專董學政其教以崇實學黜浮華爲本知人善鑒士經其賞拔者後多知名復文山祠葺白鹿書院修陶侃讀書臺以風厲後學江西人至今稱之陞浙江右參政處州民有苦虐政走聚山谷者招之不聽曰須夏參政來乃可寅檄至卽散丙午進山東右布政有屬以興作者不聽曰勞而不怨斯可弘治戊申卒年六十六寅平居以諸葛武侯范文正自期待聞朝廷政令善喜形于色或有他則不懌終日嘗疏論國家之勢在離合合則安離則土崩今兩

京並建其勢宜常合以制天下徐州地連山東饑饉宜在賑卹臨清乃南北咽喉或暫梗焉爲害不小宜選大臣有望實者鎮守訓兵屯田示天下形勢廷議是之爲出白金四萬兩賑徐州命都御史賈俊鎮臨清吳中旱飢有司莫以告寅投書巡撫發廩二十萬石糶十萬石三吳弁獲以濟他所論列若文廟禮樂之數正風俗立紀綱作人材之類雖不盡用識者避之爲郎二十年爲副使十六年未嘗以淹屈降志嘗謂人有三可惜此生不學可惜此日間過可惜此身一敗可惜世以爲名言所著有紀行集備遺錄

政監東游錄史詠等並行於時

顧志

松江府志 卷之四十一  
宋璪字克純莘亭人少游京師從婦翁吏部郎俞宗太學楷書已從翰林曾鶴齡學舉子業正統乙丑舉進士拜御史數言事都御史王文每讓其多言故事御史有疏皆請印於其長璪嘗以疏請印文迎笑曰君復有言耶視之乃劾已疏大怒抗章自辯且深詆璪謫安福典史天順初文誅起知大庾調新淦未幾謝病歸日治丘園多時佳菊更號菊存優游數年卒璪爲御史時居家有牛嘗蹊柳氏田柳格殺牛遣狂子醉罵良久墮水中璪使人援出之易已衣迎置上坐呼牧牛兒鞭之使人以肩輿送柳氏子歸其父老大慚時稱長者

陳志

景泰元年秋七月監察御史宋璪坐不劾太監金英贖杖調用璪奏實爲左都御史王文所沮文亦自疏璪嘗囑諸道御史懇左都御史陳鎰及巳爲奏免調巳却之因爲所誣法司鞫璪贖徒仍調用弁奏鎰文宜逮問詔璪贖既付吏部降用鎰文俱置不問

實錄

朱瑄字廷珍莘亭人正統戊午鄉薦當赴禮闈適其父從虛龍戍所歸瑄曰吾以不得侍親爲恨奈何復遠游乎竟不赴戊辰登進士授御史巡按應天太平令某連姻中貴怙勢爲虐瑄按以法陞山西僉憲有中貴親幸者入其境會大雪欲射獵爲樂瑄曰軍士凍餒必有死者况道滑不

便馳逐獨不自愛乎遂止擢副使致仕年八十三卒子恩

為南大宗伯

陳志 恩字汝承成化甲辰進士由行人歷陞南京禮部尚書

張畹字茂蘭莘亭人景泰甲戌進士除南京刑部主事時  
旱饑獄卒有食草死者畹曰重囚尚給衣糧卒何罪以囚  
飯通給囚卒獄無枉死陞四川僉事會蜀盜授首又仙泉  
永通竈丁五千餘盜官鹽吏不可禁眾議出兵畹單騎至  
盜所諭之曰汝等盜官物法當贖在為首者自詣理訴耳  
渠首果出餘悉杖遣之眾感更生分守建昌等六衛清糧  
餉舊額奪於豪右者悉復之番族數十年讐殺悉聽辦理  
漸復華風畹有軍功輒不上曰行陣之士出死力吾儕忍

分其功公論偉之後忤執政意致政歸卒於家

陳志

唐瑜字廷美上海人景泰二年進士授南京禮科給事中  
陞衢州府知府有惠政民甚德之郡孔氏祭田為他姓所  
奪瑜以私財贖其租俾供祀事轉湖廣參政分按荆襄置  
廩積穀值歉發若干斛民賴以濟襄河為患為作堤障之  
遷山西右布政使丁母憂服闋改雲南尋遷左布政使立  
待制王禕祠正土官宗派以定傳襲擢都察院右副都御  
史巡撫甘肅詔使至諷令織細毳充貢獻瑜執不從復有  
武臣被黜者競陰中之遂被劾褫去弘治五年以建儲詔  
復故官致仕七年卒賜祭葬如例瑜為人豪爽有才氣居



官有聲其在衢州尤著衢人慕之既卒父老來赴弔者累  
累不絕云實錄

瑜知衢州府旱疫為文禱於神雨大作沴氣遂消後數  
早禱輒雨民李延者為媒匿聘金鬻二子以償不足又  
鬻其妻瑜聞而嘆曰民窮而犯法畏法而棄妻子守之  
過也贖還之龍游張福戕吳氏四人而諉其事于金氏  
既誣服矣瑜別置于獄廉得之釋金而罪福民以為神

顧志

吳玘字仲玉華亭人景泰甲戌進士拜監察御史陞陝西  
副使累陞雲南布政使終順天府尹性嚴毅與人無款曲

持法深然廉直無私不媵姪以取媚尹順天府日權貴人  
有所請託悉拒之坐是罷歸卒二子鳳儀鳳鳴鳳鳴字應  
文古貌長軀磊落多大志少隨父陝西習知邊事以功業  
自許讀書不泥章句為文章踈爽有氣骨成化辛丑進士  
知棗彊縣盜賊聞風斂迹調武彊卒年二十九縉紳皆悼  
惜之鳳儀善相人玘在外臺有聲次當為都御史鳳儀曰  
吾父終不為此官吾弟有年位不當止此自知不壽每覽  
鏡輒不怡果三十六卒顧志

張祚字永錫華亭人景泰甲戌進士授御史遷廣東按察  
僉事廉慎精密嶺表信服之會韓襄毅雍進討蠻寇以祚

有才識深知地利檄使從征大破靈山縣及高廉二州諸賊婦所掠男女五千餘人有金綺之賜祚雖用兵不樂以武節見新興新會間民多通盜又東莞豪潘普倡亂皆解散之誅首惡而已滿六載擢河南副使尋致仕歸

唐珣字廷貴華亭人天順元年進士授四川合州知州鋤疆植弱有能聲陞南京刑部員外郎郎中出爲福州知府時有男子詐爲中貴人入閩威勢張甚僉事以下多被笞辱莫敢誰何珣獨疑之乃壁人于浴室窺之得實卽座上執之寘于法諸司駭服陞湖廣右參政布政使尋入爲順天府尹剴治繁劇事皆辦集秉法不阿豪富歛戢陞右

副都御史整飭薊州等處兵備兼巡撫順天等府以憂去服且闕命卽其家起之陞右都御史總督兩廣軍務兼理巡撫嶺海府衛州縣咸畏憚其風裁旋以破賊寨功賜金幣降敕獎諭弘治八年卒賜祭葬如例廣人士追惜之

實錄

珣知福州府時歲亢暘至之日霖雨人皆相賀或言故事當先謁藩府珣曰未成婦而先見姑嫜可乎竟先之任識者以爲得體豪僧殺人有爲之地者獄久不決珣一訊寘於法時皆快之入爲順天府尹先是吳玘以強直罷衆謂宜少貶以避禍珣至守法如故衆亦無怨

顧志

宋瑛字克輝華亭人弱不好弄稍長知嗜學時兄璉已貴

父欲令賈涕泣辭讀書窮晝夜日食惟饘粥水豆人不能堪而瑛處之裕如既領鄉薦益肆志於學天順丁丑廷試第四人授工部營繕司主事典徒役與中貴人雜處瑛絕干請屏豪猾求弊端所在抉剔之人憚其嚴而樂其簡易然中貴人滋不悅思中傷之陰使人詐爲傭以偵其過歲餘無所得更得其廉謹數事加敬禮焉甲申引疾歸時年始四十五乃作延齡會以合族子弟願學者爲館穀教養之遠方來受業者甚衆事毋至孝居喪哀毀有燕乳白雛於堂時人以爲孝感

顧志

葉萱字廷茂華亭人景泰甲戌進士除兵部主事詳練軍

政精究選法吏不能欺晉郎中爲會試同考官稱得士尋奉敕調達軍安插邊境達軍久處中國樂晏安憚徭役萱奏免老弱者人服其處置得宜陞河南右參議時土軍爲民害萱嚴捕之寘于法丁艱服除改福建右參議提督銀場時礦脉寢微而貢額日加民久被繫累上疏釋之歷陞右布政轉江西左宿弊頓革尋引年歸讓產于兄蘭餘俸遺其弟蕙構室城西居之著有春秋義可菴稿若干卷

陳志

李清字希憲長史伯璵子也少博學十七舉于鄉登景泰甲戌進士授工部主事改南京刑部郎獄多平反以服闋補官冢宰姚夔爲長史門人欲留清謝曰荷公盛意恐不

知者謂清有所干夔嘆曰希憲真君子也改南兵部郎陞  
河南右參議改四川右參議松潘用兵民賴以甦遷左參  
議尋遷右轄在蜀十年清謹一跡轉湖廣左轄終於官年  
五十二所著有雲軒集自警篇武經集註傳于世

陳志

曹泰字時和華亭人景泰甲戌進士性淳實以訟事有連  
罷不敘英廟復位有白其寃者名偶同景帝年號又景帝  
時所舉士也遂不果用居數月朝會得匿名書下部考驗  
憾泰者誣焉上聞曰上天順也必若人也恨我廢斥耳詔逮問  
緹騎疾馳入郡時守某泰同年素高其誼竭資賂焉已同  
使者抵泰門請先入泣而語之故曰子亾如何吾為任罪

曰君命也何所逃檻車詣司隸拷訊備至不勝慘毒遂自  
引獄至冬朝讞有擊登聞而號者曰投書人在也日者小  
人有母今亡矣吾為吾母而負吾君今又以負他人吾何  
面目立於天地間耶請就法訊之則故中書某耳泰乃得  
釋而肢體已廢歸富林里以詞翰自老時人語曰富林二

曹二曹者泰與其弟時中也一時人豪所著有九峯集

陳志

張悅字時敏華亭人天順四年進士授刑部主事轉員外  
郎歷陞江西按察司僉事浙江提調學校副使四川按察  
使丁憂服闋改湖廣按察使進都察院僉都御史工部侍  
郎轉禮部再轉吏部陞南京右都御史南京吏部尚書改

南京兵部參贊機務累乞休致加太子少保致仕弘治十  
五年卒訃聞贈太子太保賜祭葬諡莊簡悅學問該博操  
行清謹其提學浙江杜絕請謁甄別才器尤爲士類所信  
服在湖廣執法不阿在吏禮二部風裁益峻至參贊機務  
時雖久疾然猶持大體卒能奉身而退始終之際蓋無貶

議云實錄

悅少而凝靜十八從進士陳文壁游篤學力行已爲鄉  
里所推重居官奉職守法在刑部時朝士有屬其所親  
者曰不敢撓公法但乞假一詞使知其嘗有言耳訖事  
而問之曰其人無大罪旣據法弛之矣敢僞言以市恩

聞者嘆服在浙江始以餽名校士尋去之曰我且自疑  
人誰信我請託覬覦屹不爲動士皆帖服無敢干以私  
者所獎拔或出新進徃徃取魁甲爲聞人成化時中官  
尚銘在東廠任事衆群趨其門悅獨不徃銘銜之伺察  
無所得未幾銘敗而悅名益彰在吏部尤爲尚書王恕  
所倚信嘗兩攝選衆議翕然稱允任留都鎮定簡靜上  
下安之雖中官亦加敬禮守備陳祖生嘗設席獨延賓  
上坐子弟問更召何人曰他人豈可同此席其爲時所  
重如此或言有善讀書不善作官者公笑曰此正不善  
讀書耳世豈有遵書本行而誤者尚書王恕去位衆望

一咸屬或言內未有爲之地者直視不答其人懼而退性  
素清約爲縉紳表率者四十餘年卒年七十七

顧志

談倫字本彝上海人天順丁丑進士觀政吏部時鹽山王  
忠肅爲冢宰意輕南士見倫瞿然曰南人中有此人耶授  
驗封主事轉員外郎郎中英廟每召見忠肅輒以倫隨上  
問之忠肅以名對曰臣老矣于聖諭恐有遺忘此郎代臣  
志之且其人可信也上因欲大用之忠肅謂年少資淺他  
日用之未晚丁母憂服闋至京則濟南尹公爲冢宰補虞  
衡司擢應天府丞鳳陽大水不敢以聞倫自署奏是歲詔  
免秋糧數萬進爲府尹改順天遷工部右侍郎會南昌人

李孜省媒孽尹公逐之尹行倫往餞之成化初孜省伏誅  
謫逐者多召還倫竟以病不起初倫家居歲遣人起居尹  
公於山東祀王忠肅於別室尹公歿亦如之人稱其厚子  
田好吟詠喜賓客有古俠士風見聞錄云王忠肅薦于  
上而不欲其早用倫不早用而不憾于忠肅且沒身祀之  
不怠無論逢蒙之弓卽翟公客能無愧死又守溪筆記云  
談公之才識遠到器也不幸屢爲當道諸公所知卒以顛  
殞乃知仕進不宜依人宇下以公賢者不免况其他乎

陳志

曹時中初名節與漢闡同名故以字行泰之弟舉天順己  
卯母亡廬于墓蔬食三年有一白鳩巢于廬紫芝數本產

於庭鄉人欲聞之有司辭曰苟如此僕當終身守此廬是  
絕余仕進路也乃寢登成化己丑進士官刑部郎出僉浙  
江按察司丁父艱廬墓如前補雲南僉事時安普洱海大  
旱蟲食苗齋素步禱蟲死歲大熟陞浙江海道副使勢家  
以巨艦捕魚海中聯千百爲羣爲禁緝曉諭犯者坐法無  
貸條議振刷六事與兩臺左遂乞養歸時年四十餘歸後  
杜門不通謁守令晚集耆老爲安耆會必北向拜君而後  
坐性善飲終無失儀喜爲懷素草書竟日不倦出入常操  
一小舟身自持櫂時當祭祀則親採蘋藻太守吳公鉞遺  
之以舟署曰采蘋正德己巳歲祲貸米百石賑飢又力勸

行賑全活萬人時中日止蔬食招飲皆不赴曰民苦絕粒  
而吾輩乃安享哉年九十將終時郡守孔公輔贈米二石  
手書荅云老夫不食已三日矣恐虛大夫之賜謹辭後二

日爲詩以別親知端坐而卒

陳志

王霽字景明上海人天順四年進士拜南京刑部主事遷  
員外郎再遷郎中累辨疑獄有能聲遷黃州知府府嘗有  
虎害火災又江水嘗暴至壞民廬舍霽祈祝有應以是民  
愛信之遷廣西參政未幾遷江西按察使進太僕寺卿時  
馬政廢弛霽條陳十事奏行之宿弊爲之一革用薦遂遷  
僉都御史巡撫山東值歲饑民多死徙霽爲區畫銀五十

餘萬兩米二百餘萬石賑之存活者甚衆召拜大理寺卿  
稱用法平易弘治九年卒賜祭葬如例霽和厚所與交無  
不得其歡心雖輿隸輩亦鮮有怨之者故歷官中外三十  
餘年所至得美譽云

實錄

沈瑜字廷美上海人成化初以舉人預修英廟實錄授中  
書舍人遷尚寶司丞弘治三年遷少卿四年陞南京太常  
寺少卿弘治十四年卒賜祭如例瑜美姿容善談論文藝  
政事有可稱者以重聽故不獲擢用云

實錄

顧英字孟育上海人登天順己卯鄉薦同知廣西府以憂  
歸改陝西延安進知廣南府在廣西有民楊姓者兄弟爭

產各以百金入賂英佯許之比聽訊英曰若所爭幾何弟  
白兄匿五十金英曰若爭五十金乃以百金求勝乎顧吏  
人出其賂分償之兩人愧服在延安會兵荒民多逋負英  
移文所司乞以舊糧量收輕齎候完俸支折色歲饑先發  
倉賑後詣監司謝擅發之罪上官嘉之中貴汪直進軍征  
討道經其地粹欲用馬槽數千時已薄暮英命掘地作坎  
築以起土蕪火燎之以供芻秣人稱其有濟變才在廣南  
屬車里讐殺宣慰板雅氏者死嫡庶爭英冒險行千里餘  
卒定其事致政歸卒延安府祀名宦

陳志

張弼字汝弼華亭人少穎悟過人成化丙戌羅倫榜進士



倫以言事忤大臣去國弼慷慨作詩送之拜兵部主事轉  
員外郎出知南安府府當兩廣要衝亾命子聚山谷爲民  
害弼至悉平之有誣人劫財陷一家數人於死者立辨出  
之大庾嶺商貨往來民素仰其雇直之利後奪於南雄遂  
以貧瘠弼請中分之又以其路險隘取商稅僦工闢使寬  
平架橋甃石二十里以便行者毀淫祠爲社學立張九齡  
劉安世濂溪二程及李綱諸公祠築鐵漢樓風月臺示學  
者標準俗爲一變成化甲辰謝病歸民相與立生祠嶺下  
又數請縣移文侯安否丁未卒年六十三弼人品高襟度  
恬曠而敦尚行履以風節自持雖談論間雜諧謔而必以

理勝爲詩清健有風致尤以草書得名四方求者無虛日  
有鶴城天趣面牆清和慶雲諸稿晚號東海翁又有東海  
手稿行于世若假髻曲等篇時皆傳誦云

顧志

陳章字一夔華亭人少貧力學天順壬午舉於鄉會父喪  
家居教授不出者十年御史天台陳選聞其各特就訪焉  
成化戊戌第進士拜刑部主事進員外郎郎中天津有冤  
獄逮繫百人詞連及大臣久不決章一往得其主者寘之  
法而餘皆獲釋尚書何喬新尤重之凡獄有疑與稱寃者  
必於章決之有不合必反覆辨析當於理而後已有御史  
按陝西以疾惡忤貴近繫獄章鞫曰御史非私也卽罪不

至死貴近愬于上廷鞫之議者觀望不敢決章抗言于衆曰朝廷清明茲事不宜手滑今天顏咫尺可否在一言而連日齟齬公邪私邪衆知不可奪卒從其議遷湖廣按察副使未行坐從卒犯法以舊官調瑞州府同知盡心事事人不知其爲謫者陞知高州府時方征雲爐大桂賊章爲檄招之降者十餘種任事者欲殺之章力爭得止或遂謂兵可撤又爭止之乃設賞格遣人四出招捕有降者勞賜而遣之賊遂解散移黃州府會御史來勘事檄詣雷州病瘴卒章爲人端重言動有則喜爲詩與李西涯謝方石相倡和謫不以罪又投荒以歿時論惜之

顧志

顧純字以正華亭人性介直成化中以進士知高安縣中門內有神樹云能爲禍福吏民賽禱雜庭下純至曰吾在安得爾命伐之已伐果有變曰其本在爾盡斫之乃止自是縣中畏服獄訟屏息入爲刑部主事進員外郎時大官有以文章自命者衆咸歸之純獨無所附麗會大計罷歸純時年五十餘閒居卻掃日端坐一室游涉諸經子史尤注意鄉里後進有好學者引接訓誘無異子弟自以伉直少容更號願弘子

陳志

孫衍字世延一字延之華亭人父璫廣信訓導母任氏參政勉之女賢而知書衍承家學弱冠領鄉薦成化戊戌第

進士知深沔二州並著聲績弘治初入爲南京職方員外郎進車駕郎中車駕典舟車中官索取無藝衍每裁抑之因構成大獄然卒不能浼陞知延平府有盜殺人劫財縣誤以良民余姓者抵罪衍察其寃潛訪得真盜而出余于獄羅監生者富而強毆人至死將行賄以圖免衍正其罪時人快之閩俗婚嫁論財死輒付之火衍嚴禁止俗爲之變辛酉夏旱徒步行禱烈日中已而得雨卻蓋冒雨歸遂得疾不起閩人感而哀之衍少貧有志操居官廉謹卒之日室無餘財詩文清麗俊逸有雪岑稿若干卷二子承德

承恩

顧志 承恩卽文簡公也自有傳

高祐字天錫上海人本王氏父鉉贅于高因從其姓成化丙午以鄉貢士授泉州同知泉多山谿民倚險爲梗祐訓以德義首惡皆從化積逋不督而集凶年貸民粟以山鄉遠召從化者總授而分給之遠邇稱便嘗道漳州宿山間有負豪家債而憤其逼者聚千人期旦日殺豪豪亦號召爲敵祐知之俾館人往諭以禍福片言而散一日令所部市茶其人密置銀二錠以進祐啟之笑曰爾謂吾有求耶却還之屏其人弗復接丁外艱歸部民送者千數爭攜金錢跪贐皆不受至泣而退歷廣平東昌二府操履如一晚居邑西一室蕭然晏如也

陳志

張誥字汝欽華亭人成化丙戌進士改翰林院庶吉士授  
 監察御史出按湖廣有能聲陞廣東按察司副使改四川  
 尋陞按察使弘治初歲饑誥請裁荆襄等衛兌運又發庫  
 銀易米得數十餘萬石隨在賑貸所全活頗多陞貴州左  
 布政使未幾陞都察院右副都御史巡撫雲南平疑獄論  
 亂蠻得撫綏體木邦孟密二部連兵不解誥檄諸道練兵  
 為必討計乃皆懼而自戢朝廷嘉誥之功有厚賞焉弘治  
 元年乞歸正德六年卒誥有才幹然頗事嚴厲其在雲南  
 幾及于禍幸而免

實錄 誥卒時年七十有九

奚昊字時亨官刑部郎傳見獨行中

柳淳字文粹華亭人成化丙戌進士授行人選監察御史  
 巡畿內擒渠賊劉釗畿內就寧擢貴州憲副烏撒等衛歲  
 饑淳躬詣其境驗口賑給賴以全活者數萬人轉山東按  
 察使陞右布政使以內艱歸哀毀卒年六十有五

陳志

顧祥字廷吉華亭人景泰丙子鄉舉為都察院司務仕終  
 保寧知府以廉吏稱三原王端毅撫南畿重其清節題贊  
 憲坊以表之在縣治東數十武歲久傾圮幾廢嘉靖辛亥  
 韋軒黃公來令首詢其家有孫中道為弟子員黃公曰顧  
 公廉吏王端毅先朝名卿其興建之跡不可不傳捐廩助  
 修不踰月告成何良俊作存舊歌以紀之

陳志

許璘字文玉華亭人成化戊戌進士由行人爲御史出爲湖廣僉事以彊力著聞致政歸所居前有空地賃人積竹木日徵鷄子數枚以自給每夕陽在戶烏帽布袍扶杖行

游村郭間年八十終

陳志

陳瀚字深源華亭人舉成化庚子擢荊州通判荆民不善種藝募松人往教之耕織民生計頗饒咸曰生吾者陳公也以外艱去起復濟南監德州稅事竣視常額溢千金悉歸府庫無所私滿九載擢景州守武宗朝中貴橫行就瀚索金執不與坐謫晉州學正久之擢貴州麻哈州守未上乞致政歸瀚孝友居官一介不取家居有督學使某按松

訪瀚見垣壁不治徐曰入學案未出蓋導使言也瀚曰余

所不敢聞者有三壞名節一也驕惰人之子弟二也起奔

競之風三也張起拜曰敬聞命矣

陳志

張弘宜字時措弼仲子成化辛丑進士令寧海餘姚入爲

南御史以直諫謫判蘄州除夙盜王楚鳳餘黨歛跡擢守

沔陽分憲滇南轉粵西兵備時猺獞剽劫弘宜親帥征勦

以勞卒于官家居孝友工詞翰尤長于署書所著有寧海

舜江等稿及昭臺雜著祀黃州名宦

陳志

湯全字完之華亭人成化壬辰進士授刑部主事歷陞員

外郎郎中斷獄明允陞貴州按察司副使普安土酋弗靖

全往諭服之陞湖廣按察使武岡知州以伉直爲岷府所  
誣全據法守辯其無罪陞雲南右布政貴州左布政使右  
副都御史巡撫湖廣尋致仕卒

實錄

全陞湖廣按察使時安陸鄭氏有良產其隣丘某陰圖  
之誣鄭盜又假其父逆辭投諸司論死久之父歿全閱  
案疑之曰子旣淹獄何從逆父捕丘鞠之竟釋鄭其發

姦摘伏類如此

陳志

唐禎字元善華亭人成化丁未進士金山衛學登第自禎  
始弘治初修憲宗實錄分遣禎往兩浙搜訪故實獨詳鎮  
守中貴人例自尊大禎往報謁見中門閉取刺授闈者卽

上馬去時謂其婉而得體尋擢駕部調儀部哈密貢物濫  
惡禎在王客曰是虛名而靡我實賜也且以折估聞使者  
譁于庭不去使譁諭之曰爾欺爾王易爾貢以爲利不爾  
罪足矣又敢譁耶不聽且移文邊關詰爾王罪安歸使者  
屈服精膳司凡以新茶至必先呈樣實則爲私餽相沿已  
久禎至飭門者正供外無得入尋轉郎中卒于京年五十  
禎丁未待試時主人女見其獨處窺牖與之言卽趨出徙  
他舍

陳志

張黼字任欽上海人成化丁未進士授南京刑部主事進  
員外郎中有里嫗訟其子不孝者反覆開喻且呼其母爲

因理髮皆感泣去每有疑獄必焚香祝天忘寢食以求其  
情久之子鳳鳴以御史官南臺一日出郊鳳鳴自郊歸值  
之下馬立道周他御史疾馳去乃嘆曰吾老矣安得復與  
兒子輩爭衡哉即日疏乞致仕上嘉其恬退進應天府丞  
卒年七十有八黼年五十未第或勸廢學黼曰人雖休我  
弗休古人有之請事斯語卒成其志又以登第晚父母不  
及祿養每塑像自隨垂老言之猶涕泣陳志  
錢福字與謙華亭人弘治庚戌第一甲第一名官翰林院  
修撰傳見文苑中  
顧清華亭人弘治六年進士改翰林庶吉士授編修與修

大明會典陞侍讀正德初修孝廟實錄時逆瑾擅權清  
正不阿降編修尋調南京兵部員外郎瑾誅復任侍讀陞  
侍讀學士掌院事教庶吉士陞少詹事兼學士充經筵日  
講官兼修玉牒禮部右侍郎自陳致仕尋用科道薦復任  
南京禮部侍郎未幾引年乞休陞尚書致仕清好學敦節  
行士論重之實錄

清字士廉弱冠與錢福沈悅齊名弘治壬子王文恪主  
南畿試閱清文曰昔歐陽子謂當讓蘇子瞻一頭地斯  
人是也置第一癸丑試禮部第二吳文肅爲廷試掌卷  
官或勸之往見清辭曰昔人所謂呈身者吾愧之竟不

往寘二甲第一逆瑾竊柄鄉人張文冕用事絕不與通  
瑾銜之已巳例當進秩矯詔降編修尋調南車駕員外  
郎庚午瑾誅還侍讀進少詹兼翰林學士充經筵日講  
官時儲位尚虛疏請預定不報武宗數巡幸會郊祀且  
迫駕猶未還清復草疏數百言上之上亦感動辛巳武  
宗崩世廟繼統會議迎駕冊立頒詔易服臨喪諸吉凶  
大禮清援古證今所議得體忌者嗾臺諫撫他人事誣  
清因自引退復起清南京禮部侍郎三疏乞歸以本部  
尚書致仕先是以進徽號賀表上京至東昌聞命抵德  
州輿疾而進卒於河間府瀛海驛年六十九清家居郡

守陳公威修郡志未竟喻公時繼至成之乃屬岳銓高  
企蔣惠吳稷纂校清爲總裁志成凡三十二卷所著有

東江集行世

陳志

楊瑋字伯玉華亭人瑋仲弟璨季璉父欲令璉就他業瑋  
曰我家世經術季獨賈不可乃日夜訓其弟弘治丙辰舉  
進士授營繕主事貴戚張氏挾上寵乾沒商價瑋無所假  
復數撓法遂奏聞罪其家奴十餘人奉使過里時喻時爲  
守張筵款之喻偶賜優人一卮瑋厲聲曰此豈侯度耶喻  
失色還朝拜光祿寺寺丞時朝廷每日索子鵝腦數十頭  
作畫眉鳥食瑋對中貴言今天下民窮財盡焉能狼籍用



物若此武宗怒遣使詰責瑋囚服跽午門外劉瑾又使使  
詈曰窮措大何不知事瑋面斥之瑾怒甚詔謫隰州同知  
瑾敗陞知瀘州時鄧茂七反大司空林俊提兵征勦命瑋  
招撫餘黨乃單騎入賊巢喻以禍福皆解甲降敘平賊功  
陞廣西參議四川副使乞致仕璨進士璉鄉薦時人稱瑋  
璨璉爲三玉隆慶初瑋贈光祿少卿璨字仲玉令桐鄉調  
開化民好訟或仰藥取快小忿生女不舉璨痛爲懲創人  
尤懷服陞刑部主事隨乞養母改南驗封主事調武選改  
考功陞尚寶少卿轉應天府丞以災異乞休子秉義自有

傳陳志

董恬字世良綸子也弘治丙辰進士授工部主事分司徐  
州改刑部員外郎郎中有族子二人同毆殺叔母恬謂法  
當敘服制輕重司寇擬以同罪果爲大理所反奉敕錄囚  
浙江平反明慎時逆瑾干政凡復命者必往謁恬不往復  
無所遺乃撫以踰限罰米二百石餉邊正德戊辰晉大理  
少卿癸酉賜章服閒居卒年七十有四

陳志

李希顏字原復華亭人弘治癸丑以春秋魁禮闈任南刑  
部主事正德初陞廣東僉事齋表入賀時逆瑾擅政希顏  
獨不踵其門朝紳稱爲鐵腰李進本省右參議露章劾梁  
文康子暴橫奪俸歸尋起原官滇中進提學副使擢按察

使以勞瘁歿于任性至孝親喪時廬墓三年身不去經遺命還耐窆于封公之側顧文僖走哭其墓曰我銘原復筆無愧也

陳志

曹閔字崇孝上海人弘治丙辰進士授沙縣知縣爲南御史正德初上疏論劉瑾下錦衣獄被杖幾死瑾誅起廣西僉事閔曰一瑾去而衆瑾尚存遂引退年未五十也養母十年母終廬墓得寒疾卒

陳志

張萱字德輝上海人弘治壬戌進士授鄱陽令改嵯縣復改政和擢守茶陵州民悍盜多不可捕詰乃類編其族嚴以株坐比邑永新民多越境占田歲負稅三百餘石白其

弊責永新吏督徵以紓民累內艱服除改潞州適武宗西巡權幸勢張甚譌言欲刷婦女州人洶洶萱請以身當之民倚以安擢湖廣僉事陞參議致政歸卒萱所至有名茶陵有循良傳以之方何武焉

陳志

宋臣字以忠華亭人弘治辛未進士出宰樂清民婦以姦爲子所覺與姦夫毒殺之誣里中素有釁者連歲不能決會天大旱臣爲白其事天卽大雨丁艱起補宜黃陞南京工部主事歷員外郎督蘆政以過勞得疾歿

陳志

沈恩字仁甫上海人弘治丙辰進士任刑部主事忤劉瑾落職瑾敗復起歷陞雲南按察使前使者見黔國隅坐恩


不為屈旋按其不法事問遣桀黠奴二十餘人黔國怒陰  
 令市肆告變以危恩監司上其事廷議竟右恩擢四川布  
 政時新都以首相當途蒼頭稍驕橫恩悉寘之法新都遺  
 恩大紅絨二且謝不謹恩召僚屬聚堂上立焚于庭新都  
 子中鼎元賀者爭致重幣恩捐俸三兩佐以兩蜀吧新都  
 不為禮恩亟走人索歸卒以此坐免居鄉未嘗干請常徒  
 走數十里送其師朱曜之喪其歿也貧不能殮祀鄉賢巡  
 撫都御史夏邦謨又特為之祠陳志

張鳴鳳字世祥黼子與弟鳴鸞同領弘治乙卯鄉薦登丙  
 辰進士令永康時武義有殺人者獄久弗決當道檄治之

夜夢緋衣人語曰得王十一乃了厥明物色其人獄遂成  
 人咸神之召為南御史上疏論劉瑾被逮廷杖瑾誅詔復  
 原官遷湖廣僉憲陞副使世廟起興邸有寶鏹綵幣之賜  
 方欲大用竟卒陳志

黃明字天章莘亭人弘治癸丑進士授南刑部主事轉駕  
 部郎凡中官假托公差無敢乘傳勒索者出守汀州屬邑  
 武平寇發督府提兵會勦衆議括民財充餉明出官帑羨  
 金給之陞滇南憲副致政歸陸文定稱其屏居八年鄉里  
 有熟公名而不識公面者陳志

張弘至字時行弼季子詩文雅健清麗草書有父風弘治



丙辰進士改庶吉士授兵科給事中孝宗朝以災異上封事謂上初政精明比年漸有改更天降災沴殆所以垂戒惟慎終如始則天變可消武宗踐祚賜一品服使安南堅辭餽贐時內府守衛官軍爲閹宦需索逋逃日甚上疏請加禁治使浙江勘獄還陳四事又陳弭盜安邊六策多見採行逆瑾擅權遂自劾歸家居十九年卒所著有玉署拾遺使交錄萬里志東塾見草見意諸稿陳志王恭字時陽大理卿霽子弘治己未進士授刑部主事理漕淮陽弛軍士淹禁者百人去淮之日籍公帑若干繕築石堤數百丈以防湖漲陞主客員外時逆瑾賞賜屬國多

紊舊例恭上疏復之陞太常丞除江西參議值饒信姚源盜起都憲俞諫檄恭軍前督餉未嘗匱乏俘獲男女訪其鄉里親戚還之事竣賜白金文綺先是柄兵者議撫東鄉賊渠授以冠帶恭不可以他事中之遂謝事歸恭嫡長應獲大理卿蔭不以屬子而讓庶弟尤人所難陳志

唐權字季和上海人弘治壬戌進士官刑曹會孝廟崩權哭之慟不御酒食肉者累日正德初逆瑾竊國權以直節守官瑾心銜之誣下詔獄其黨張文冕亦松人使人邀權重賂權曰我實無罪冤當雪若果有罪則法在安敢以私免遂謫穀城令諸公唁而餞之賦詩奕棋談笑自若單車

至縣勤恤民隱見餓莩于路輒悲嘆不食以爲長民之責未幾卒于官年三十有七是年八月瑾誅人以權不及見爲恨然無有上其事復其官者

陳志

張元澄字靜夫華亭人弘治甲子中鄉試以能書薦詔修孝廟實錄入中書時逆瑾遣小奄索楷書不爲禮尋補南昌倅宸濠反澄不嵩呼槌之幾斃羈儀衛司王文成平賊以功奏加三級俄丁內艱往閩中乞銘卒于途澄草書法懷素與東海並驅高麗國購其書畫時有南安太守南昌倅東海東山配兩翁之句

陳志

陸深字子淵上海人弘治辛酉解元乙丑進士入翰林自

編修陞國子司業丁母憂釋服廷臣薦之不數月起補原職陞祭酒充講官一日進講內閣易其講章深講畢面奏云今日講章非臣原撰乞自今容講臣得盡其愚上雖可之而經筵面奏非故事爲當路所忌左遷延平府同知陞山西提學副使晉府一優人子入學深斥之又陽曲生父爲縣令所笞下獄死訴御史趙反抵生罪深與力辯不合卽上疏劾趙趙亦劾深有旨差勘趙謫外任深得復職補浙江副使仍理學政歷陞四川左布政召爲光祿卿預修玉牒改太常卿兼侍讀學士扈駕承天命深掌行在翰林院印侍行御筆乙去侍讀二字後致仕一日上問侍臣陸

深張邦奇才學孰優侍臣以陸優于張對上曰陸深曾爲  
祭酒桂萼欲害之今尚在否方有意召用會卒賜祭葬贈  
禮部右侍郎謚文裕子楫字思豫書過目輒成誦屬文援  
筆立就年未四十卒人共惜之

陳志

孫承恩華亭人正德辛未進士改翰林院庶吉士授編修  
嘗奏進歷代帝王詩贊賜名鑒古韻語奉使安南與修明  
倫大典成擢左春坊左中允充經筵講官主考兩京鄉試  
陞侍讀學士掌南院召爲少詹事兼侍讀學士已晉禮部  
右侍郎充經筵日講官轉吏部左侍郎掌詹事府丁未會  
試主考擢禮部尚書仍掌詹事府已回部管事以病疏乞

致仕明年上思之召還故任加太子少保請皇子講讀不

報癸丑二月復乞致仕賜馳驛歸壬戌卒賜祭葬如例贈

太子太保謚文簡

實錄子克弘官至漢陽太守以文藝知名傳見藝術中

承恩字貞甫延平守衍子辛未進士改庶吉士授編修

時權貴亂政輒引疾歸卧世宗登極進中允充經筵講

官多所發明上悅及官南院上顧近侍曰何久不見稀

鬢中允以承恩少髮故云召掌詹事府應制賦瑞雪詩

上特賜和書以賜時上奉玄齋宮設醮承恩獨不肯冠

黃冠遂乞致仕所著有灤西草堂全集

陳志

沈霽字子公華亭人幼雋穎夏方伯寅一見奇之以女妻

松江府志 卷之四十一  
焉舉弘治辛酉正德辛未進士授行人上疏指摘佞倖擢  
南京廣東道御史時宸濠潛有逆謀霽抗疏言乞斷大義  
除大逆以安社稷竟留中不報嬖人江彬誘上遊幸霽疏  
懇回鑿乞斬彬以謝天下又不報世宗初御極條對數千  
言切中時務遷福建海道副使鎮守中官得危疾餘貲分  
遺三司霽不受有簡御史移文海道凡市番船每舟稅百  
兩霽曰得無攫金於海耶吾司風紀何以訓也簡銜之劾  
霽守有餘才不足改貴州兵備至貴有蠻寇據山爲逆計  
擒之撫按交薦時年近七十遂引疾乞休旨嘉其恬退加  
右參議致仕家居十七年未嘗入郡邑年八十有五無疾

而終

陳志

胡岳字仲申華亭人正德甲戌進士授刑部主事歷員外  
郎遷四川僉憲芒部寇川南岳督兵入山斬木通道二百  
里募死士塞賊走路合兵搗之捷聞賜金綺由江西左方  
伯拜大中丞時建郊廟市材楚蜀吏盜官錢更賦民或張  
旗幟擊鼓伐金從徒百餘視民所植出黃紙封之縛其主  
怖曰當自輸京師民號泣致厚賄祈免岳嚴爲禁民賴以  
安歲饑上疏請減所輸全活甚衆改大理卿卒年六十有

六

陳志

周鵬字文儀華亭人正德甲戌進士選御史已卯巡按福

建鎮守宦官羅籥驕肆疏奏戍遠方武宗南巡疏諫弗報  
宸濠之變鵠峙軍餉設防禦有協勦之助庚辰知潮州府  
旋告歸性峭直爲詩文有風致著適齋集藏于家陳志  
楊秉義字士宜粲子正德甲戌進士授行人選兵科給事  
中時權倖相比爲姦引疾歸庚辰起吏科世宗卽位疏請  
崇正學親儒臣謹號令絕進獻使詔旨不爲空言章奏不  
至停閣上嘉納焉中貴江彬以迎立功入掌司禮封弟英  
爲伯疏彬以鷹犬事先帝陛下入嗣大統本出祖訓彬何  
功而受重賞詔奪兩人官劾侍郎楊儀姦回固寵罷之丁  
憂服除補吏科巡視京營上言祖宗重根本計久遠設

五府以統四十餘衛立三大營以蓄精銳十二團營以備  
調遣今承平旣久軍日減馬日耗一旦有警何以爲策宜  
詔兵部選將官實軍伍惜戰馬如祖宗制從之遷右給事  
中會考察劾奏大學士張孚敬而下二十四人或詣自辨  
曰予言謬然不願君有此行辨者愧服其秋秦司徒趙司  
空相繼去而陳道瀛以黃冠爲太常少卿疏論不報遷禮  
科左轉吏科都給事尋以病解官卒子允儁甲子舉人陳志  
吳稷字舜鼎華亭人正德甲戌進士授金華推官時章文  
懿懋家居講學嘗造請以質所疑會永康右姓馬某者辱  
其邑令按法懲之拂上官意量移惠州有海豐令以墨黥



本江元 卷之四十一  
四  
名  
三  
怙直指勢猶留治事稷露檄逐之忤直指意坐遷荆府左  
長史改徽府進賢王箴芸窻賦以寓諷久之致政歸隱東  
郊有司莫識其面里舉踐更役有誤報者令不知懸之榜  
稷徃註其下曰不能爲官豈能爲役令聞大愧親詣謝終  
不見也所著有自得園稿宦遊稿石湖漫稿破愚錄史綱

纂要皇明正學編

陳志

張松字以培華亭人正德己卯舉人授吉安通判盜發曾  
狀元墓無主各傍墓數十家坐誣繫獄松廉得王者入盜  
室發牀下得髑髏如斗大盜叩頭伏云此曾狀元遺骨也  
繇是數十家皆脫狀元有女寡爲夫族所凌夫族故豪獵

其積貲蕩焉又構女不測罪松一訊直之女匍匐庭下索  
紙筆賦詩謝詞極悽愴吉安地故磽多逋賦松治漕調劑  
高下有法督輓至京課第一賜宴時夏文愍柄政思一見  
之松徃投一刺不復謁夏意怏怏補東平知州時水部徐  
楚督徂徠泉源曹掾皆貴倨松嘆曰爲長吏纖趨媚人毀  
名辱身安可爲也解綬去二十年孫烈成進士亦督徂徠  
泉源松戒之曰今日得無有曹掾貴倨舞文者乎松嘗登  
泰山見石罅中一老僧拜問之老僧擲其念珠令數得數  
八十一而松以八十一考終

陳志

富好禮字子超華亭人正德辛巳進士授屯田主事晉刑

曹郎京師有惡少某以事抵法好禮執而論之惡少匿詞  
衣帶間潛入大內疾呼因自刎舉朝駭愕徐上章劾奏不  
報事竟寢蓋上密廉其事知好禮素清慎獄無冤也會御  
史馮恩論冢宰汪鉉恩下獄好禮力爭謂無死法汪以其  
庇鄉人銜之出守重慶時蜀府與都司以事詰奏詔遣科  
道按之累月不決當事者檄好禮往不十日爰書成陞憲  
副建昌境有大渡河故諸葛武侯渡瀘處行者觸瘴多死  
好禮鑿山湮塹築海塘堡數百里屬之省城三閱月而成  
會屬吏爲民所訟好禮置於理省僚力請不應因讒於部  
使者遂告歸

陳志


朱鬻字朝和華亭人正德丁丑進士初任興化推官多異  
蹟會與一御史不合轉郡丞陞刑部郎御史猶力擠竟拂  
衣歸居鄉清修構數椽于西郊布衣蔬食以訓子孫五世  
孫紹堯登萬曆乙卯鄉薦

陳志 紹堯令武強以清節著武強人至今稱爲循吏云

郁山字子靜華亭人正德辛巳進士宰龍泉邑礦賊急則  
匿峒間緩則復出山設計捕之寘于法調知臨海陞工部  
主事分司浙江歲多羨額山始以府幕一人監收貯之府  
藏著爲式陞員外郎出守溫州時張永嘉起大第強市民  
居山謂曰相公居朝喜稱伊傳周召居家顧不肯爲蕭何  
李沆耶且匝垣里許矣張目攝之而地亦不再廣或謂相

國旦暮召不計他日螫君耶山笑謝曰人生進退榮辱皆有定分即如子言吾便葛巾藜杖浩然而歸當何所損子視郁子靜何人哉治溫二年卒于官祠名宦

陳志



松江府志卷之四十一終

文政庚辰

